

摘藻堂四庫全書薈要

史部

欽定四庫全書薈要

史部

資治通鑑卷五

六



詳校官編修臣汪鏞

欽定四庫全書薈要卷六千九百九十一

史部

資治通鑑卷五

宋司馬光撰

胡三省音註



紀五

起屠維赤奮若盡旃蒙大荒落凡十七年始己丑終乙巳也

赧王下

四十三年楚以左徒黃歇侍太子完為質於秦

左徒楚官名史

記正義曰蓋今在左右拾遺補闕之類質音致按去年秦欲與韓魏伐楚黃歇上書止之歸而報楚楚遂使歇侍太子為質於秦為楚王疾病歇使太子亡歸楚楚張本歇許弔翻

秦置南陽郡

凡山水

北皆謂之南陽晉南陽在脩武以在太行之南大河之北也秦置南陽郡以在南山之南漢水之北也

秦魏楚共伐燕

燕因肩鞮

燕惠王薨子武成王立

四十四年趙藺相如伐齊至平邑

括地志平邑故城在魏州昌樂縣東北四

十里藺力刃

趙田部吏趙奢收租稅

田部吏部收田之租稅者也

平

原君家不肯出趙奢以灋治之殺平原君用事者九人

治直之藺平原君之家臣用事而不肯出租稅者也

平原君怒將殺之趙奢曰君

於趙為貴公子今縱君家而不奉公則灋削灋削則國

弱國弱則諸侯加兵是無趙也

割侵也奪也弱劣也懦也

君安得有

此富乎以君之貴奉公如法則上下平上下平則國彊

國彊則趙固而君為貴戚豈輕於天下邪

邪音耶戚親也言平原君

於趙則王族親戚之貴者也

平原君以為賢

賢善也能也

言之於王王使

治國賦國賦大平民富而府庫實

觀此則趙奢宣持善兵哉可使治國也治

直之

四十五年秦伐趙圍閼與

司馬彪志上黨郡涅縣有閼與聚水經註上黨沾縣有梁

榆城即閼與故城盧湛征艱賦曰訪梁榆之虛郭乃閼與之舊平史記正義曰閼與在潞州銅鞮縣西北二十里又儀州和順縣亦有閼與城儀路相近二所未詳又閼與山在潞州武安縣西南五十里趙奢拒秦軍於閼

與即山北也河東圖遼州和順縣晉大夫梁餘子養邑秦伐閔與趙奢救之是此遼州即唐之儀州閔阿葛翻

又於連翻康音昌又音媽與音預又音余史記正義曰

關於連翻漢書音義涅乃結翻聚材喻翻沾他兼翻

時士翻翻疑丁兮趙王召廉頗樂乘而問之索隱曰樂乘

也頗晉曰可救否皆曰道遠險陜難救同陜也問趙奢

趙奢對曰道遠險陜譬猶兩鼠鬪於穴中將勇者勝言

是勇者勝也將平聲或王乃令趙奢將兵救之去邯鄲

曰帥勇者則勝將去聲三十里而止令盧經翻邯鄲音寒丹令軍中曰有以軍事諫者死

令力正翻趙奢此令非以秦師軍武安西班志武安縣屬魏郡宋白

禁約所部以愚秦軍也

曰洛州治永年縣隋改廣平為永年屬武安郡秦軍勒兵武安西即此地劉昫曰磁州治滏陽縣漢武安縣地

隋又置武安縣亦屬磁州磁祥之翻昫勿翻鼓譟勒兵武安屋瓦盡振趙軍

中候有一人言急救武安趙奢立斬之此軍之中候也漢北軍中候之

官本此或曰軍堅壁二十八日不行復益增壘復扶又中之候軍吏也

如字壘秦間入趙軍趙奢善食遣之間以報秦將間古力水翻

此孫子所謂反間也秦將大喜曰夫去國三十里而軍食祥吏翻將即亮翻

不行乃增壘闕與非趙地也趙奢既已遣間卷甲而趨

卷讀曰捲凡捲舒之卷皆同音一日一夜而至去闕與五十里而軍軍

壘成秦師聞之悉甲而往趙軍士許歷請以軍事諫趙

奢進之

姓譜許姓本自姜姓炎帝之後太嶽之胄其後以國為氏

許歷曰秦人不意

趙至此其來氣盛將軍必厚集其陳以待之

陳讀曰陣

不然

必敗趙奢曰請受教許歷請刑趙奢曰胥後令邯鄲

索隱

曰索胥須古人通用今者須後令謂胥為須者待也待後令謂許歷之言更不擬誅之故更待後令也邯鄲

二字當為欲戰謂臨戰之時許歷復諫也余謂胥語絕許歷請刑趙奢令其且待也蓋謂敢諫者死邯鄲之令

耳今既自邯鄲進軍近闕與矣許歷之諫固在邯鄲之後不當用邯鄲之令以殺之故曰後令邯鄲令力正翻

邯鄲音寒丹令力丁翻

許歷復請諫曰先據北山上者勝後至者

敗趙奢許諾即發萬人趨之秦師後至爭山不得上

趨

喻翻又音如字得上時掌翻

趙奢縱兵擊秦師秦師大敗解閼與而

還

還從宣翻又音如字

趙王封奢為馬服君

服虔曰馬服猶言服馬也括地志邯鄲縣

西北有馬服山

與廉藺同位以許歷為國尉

穰侯言客卿竈

於秦王

穰人羊翻

使伐齊取剛壽以廣其陶邑

括地志故剛城在兗州冀

丘縣壽鄆州之縣也余據唐志鄆州壽張縣武德初置壽州通鑑書此以發范雎間穰侯之事間古蒐翻

魏人范雎

姓譖范本陶唐氏之後隨會為晉大夫食采於范後有氏焉雎音雖

從中大夫

須賈使於齊

戰國之時仍周之制置上中下三大夫漢百官表中大夫掌論議須姓密須氏之後

風俗通須姓太吳之後蓋本之須句使疏吏翻句音胸

齊襄王聞其辯口私賜之

金及牛酒須賈以為睢以國陰事告齊也歸而告其相

魏齊魏齊怒笞擊范睢折脅搯齒睢佯死卷以簀置廁

中使客醉者更溺之

索隱曰折脅搯齒謂擊折其脅又拉折其齒也簀謂葦荻之薄用之

以卷其屍也余謂簀字從竹蓋竹為之非葦荻之薄也又謂竹東南之產北人貴之自江以北饒葦荻人率織之以為薄寢或以為薦籍索隱以葦薄為簀習於所見而從俗所呼者耳相息亮翻笞丑之翻搯力答翻卷讀日捲簀竹草翻更以懲後令無妄言者令力范睢謂守工衡翻溺奴吊翻

者曰能出我我必有厚謝守者乃請棄簀中死人魏齊

醉曰可矣范睢得出魏齊悔復召求之

今盧經翻復扶又翻又音如字

魏人鄭安平遂操范睢亡匿更姓名曰張祿秦謂者王

稽使於魏

謂者秦官漢因之志云主殿上時節威儀謂者僕射一人為謂者臺率其下有給事謂者

有灌謁者操七刀翻使疏吏翻率讀曰帥

范睢夜見王稽稽潛載與俱歸薦

之於王王見之於離宮

離宮別宮也

范睢佯為不知永巷而

入其中

佯音羊古字多作陽詐也如淳曰周宣王姜后脫簪珥待罪永巷後改為掖庭師古曰永長也

本謂宮中之長巷也或曰宮中獄也

王來而宦者怒逐之曰王至范睢謬

曰秦安得王秦獨有太后穰侯耳

謬靡幼翻誤也詐也穰人羊翻

王微

聞其言乃屏左右跽而請曰先王何以幸教寡人對曰

唯唯如是者三

謬靡幼翻穰人羊翻屏卑郢翻又卑正翻後凡屏退之屏皆同音跽忌已翻跪

也唯于葵翻蓋應聲也凡唯諾之唯皆同音

王曰先生卒不幸教寡人邪

卒子

恤翻終也邪音耶

范雎曰非敢然也

雎音雖然猶言如是也

臣羈旅之臣

也交疎於王而所願陳者皆匡君之事處人骨肉之間

處昌呂翻

願効愚忠而未知王之心也此所以王三問而不

敢對者也臣知今日言之於前明日伏誅於後然臣不

敢避也且死者人之所必不免也苟可以少有補於秦

而死此臣之所大願也

少始紹翻

獨恐臣死之後天下杜口

裹足莫肯鄉秦耳

謂天下之士懲睢之死不敢復言鄉讀曰嚮

王跽曰先生

是何言也今者寡人得見先生是天以寡人溷先生而

存先王之宗廟也

溷謂溷漬之也漢陸賈曰母久溷公即此義音戶困翻毛晃曰溷濁也又

汚辱也事無大小上及太后下至大臣願先生悉以教寡

人無疑寡人也范雎拜王亦拜范雎曰以秦國之大士

卒之勇以治諸侯譬若走韓盧而搏蹇兔也

韓盧天下之駿犬蹇

兔病足之兔韓盧搏兔無不獲者况蹇兔乎治直之翻

而閉關十五年不敢窺兵

於山東者是穰侯為秦謀不忠而大王之計亦有所失

也穰人羊翻王跽曰寡人願聞失計然左右多竊聽者

范雎未敢言內先言外事以觀王之俯仰因進曰夫穰

侯越韓魏而攻齊剛壽非計也扶夫音齊湣王南攻楚破

軍殺將謂殺唐昧也見上卷十四再辟地千里辟讀曰

葛翻而齊尺寸之地無得焉者豈不欲得地哉形勢不能

有也諸侯見齊之罷敝起兵而伐齊大破之齊幾於亡

事見上卷三十一年以其伐楚而肥韓魏也今王不如

罷讀曰疲幾居依翻

遠交而近攻得寸則王之寸也得尺亦王之尺也今夫

韓魏中國之處

夫晉扶康曰處敵呂翻余謂處昌據翻於世俗常言晉義為長

而天下

之樞也

以門戶為喻門戶之闔闢皆由於樞

王若用霸必親中國以為天

下樞以威楚趙

用霸者請用霸天下之術

楚彊則附趙趙彊則附楚

強者未易柔服故先親附弱者易以致翻

楚趙皆附齊必懼矣齊附則韓魏

因可虜也王曰善乃以范雎為客卿與謀兵事

范雎謀兵事則

三晉受兵禍而穰侯兄弟皆為秦所逐矣

四十六年秦中更胡傷攻趙閼與不拔

更工衛翻胡傷意謂即上卷客

卿之胡陽關於葛翻
又於連翻與音預

四十七年秦王用范雎之謀使五大夫綰伐魏拔懷

班志

懷縣屬河內郡括地志曰懷縣在
懷州武陟縣西十一里雎息隨翻

四十八年秦悼太子質於魏而卒

質音致卒
子恆翻

四十九年秦拔魏邢丘范雎日益親用事因承閒說王

曰雎息隨翻閒古
竟翻說式芮翻

臣居山東時聞齊之有孟嘗君不聞

有王聞秦有太后穰侯不聞有王夫擅國之謂王能利
害之謂王制殺生之謂王今太后擅行不顧穰侯出使

不報華陽涇陽擊斷無諱

夫音扶使疏吏翻華戶化翻斷丁亂翻凡斷決之斷皆同

音

高陵進退不請四貴備而國不危者未之有也為此

四貴者下乃所謂無王也穰侯使者操王之重決制於

諸侯剖符於天下

操七刀翻謂剖符而出使也

征敵伐國莫敢不聽

戰勝攻取則利歸於陶

陶穰侯封邑

戰敗則怨結於百姓而

禍歸於社稷臣又聞之木實繁者披其枝披其枝者傷

其心大其都者危其國

左傳祭仲曰都城過百雉國之害也辛伯曰大都耦國亂之本

也申無字曰鄭京樛實殺曼伯宋蕭毫實殺子游衛蒲戚實出獻公齊渠丘實殺無知而陳蔡不羹亦殺楚靈

王此皆大都危國也傳直戀翻祭則尊其臣者卑其主

介翻陸德明標音立曼音萬羹音郎

如下事 淖齒管齊射王股擢王筋懸之於廟梁宿昔而

死

管掌也擢拔也宿昔一夕之間也淖齒弑齊湣王事見上卷三十一年淖奴教翻射而亦翻

李兌

管趙囚主父於沙丘百日而餓死

事見上卷二十年

今臣觀四

貴之用事此亦淖齒李兌之類也夫三代之所以亡國

者君專授政於臣縱酒弋獵其所授者妬賢疾能御下

蔽上以成其私不為主計而主不覺悟故失其國

扶音

今自有秩以上至諸大吏

漢承秦制鄉置有秩漢官曰鄉戶五千則置有秩掌一鄉

之入風俗通曰有秩則田間大夫言其官裁有秩耳大吏謂左右中更以上為史者也秩直乙翻下及

王左右無非相國之人者見王獨立於朝臣竊為王恐

萬世之後有秦國者非王子孫也相息亮翻朝直遙翻為于偽翻王以

為然於是廢太后逐穰侯高陵華陽涇陽君於關外以

范雎為丞相封為應侯應於陵翻國名周武王之子魏封於應其地在唐安州界

王使須賈聘於秦應侯敝衣間步而往見之問步投問隙徒步步而

行也問須賈驚曰范叔固無恙乎范雎字叔恙憂也病也又噬蟲善食人心

者也古人相問率曰無恙朱熹曰古者草居多被噬蟲之毒故相問曰無恙乎恙餘亮翻噬時制翻雷坐

飲食取一綈袍贈之

綈田黎翻厚繒也袍步刀翻長繻也記玉藻曰纁為綈繒為袍孔穎

達曰純者新綿者為襦雜用舊絮者為袍

遂為須賈御而至相府曰我為君

先入通於相君須賈怪其久不出問於門下門下曰無

范叔鄉者吾相張君也

相息亮翻為于偽翻睢更姓名曰張祿故云然鄉讀曰嚮

須

賈知見欺乃膝行入謝罪

膝行屈膝就地而行以示跪伏

應侯坐責讓

之且曰爾所以得不死者以綈袍戀戀尚有故人之意

耳乃大飫具請諸侯賓客坐須賈於堂下置莖豆於前

而馬食之

莖寸斬之藁雜豆以飼馬莖豆兩物也莖寸卧翻食祥吏翻

使歸告魏王

曰速斬魏齊頭來不然且屠大梁

屠殺也自古以來以攻下城而盡殺城中

人為屠城亦曰洗城

須賈還以告魏齊魏齊奔趙匿於平原君家

還從宣綽又音如字平原君趙勝趙王之貴介弟也貴戚於趙以好士聞於諸侯故魏齊奔歸之而就匿焉

趙惠文王薨子孝成王丹立以平原君為相

相息亮綽

五十年秦宣太后薨九月穰侯出之陶

薨呼肱綽穰人羊綽

臣光曰穰侯援立昭王除其災害

事見三卷十年援子元綽手引也

薦白起為將

見上卷二十三

南取鄢郢東屬地於齊

言拓地東連於齊也事並見上卷

使天下諸侯稽首

而事秦

啓音

秦益彊大者穰侯之功也雖其專恣驕

貪足以賈禍

賈音古言其致禍如商賈之賈物也凡商賈之賈皆同音

亦未至盡

如范雎之言若雎者亦非能為秦忠謀直欲得穰侯

之處故搯其吭而奪之耳

雎息隨翻為子偽翻搯音厄說文曰捉也吭音剛咽

也遂使秦王絕母子之義失舅甥之恩要之雎真傾

危之士哉

秦王以子安國君為太子

為安國君立子異人為嗣張本嗣祥史翻

秦伐

趙取三城趙王新立太后用事求救於齊齊人曰必以

長安君為質

索隱曰趙亦有長安今其地闕孔衍曰長安君惠文王之少子也史記正義曰長安

君以長安善故名也質者致索山客翻少詩照翻

太后不可齊師不出大臣彊

諫

力強諫猶也

太后明謂左右曰復言長安君為質者老婦

必唾其面

復扶又翻唾吐卧翻口液也明謂左右者顯言之也

左師觸龍願見太

后太后盛氣而胥之入

胥待也言威氣以待其人也

左師公徐趨而

坐自謝曰老臣病足不得見久矣竊自恕而恐太后體

之有所苦也故願望見太后太后曰老婦恃輦而行曰

食得毋衰乎曰恃粥耳太后不和之色稍解左師公曰

老臣賤息舒祺

春秋時宋國之官有左右師上卿也趙以觸龍為左師蓋冗散之官以優老臣

者也息子也祺音其冗而龍翻散悉亶翻

最少不肖而臣衰竊憐愛之願得

補黑衣之缺以衛王宮昧死以聞

黑衣衛士之服也觸龍先為其少子言以

發太后之問也昧死言忘其死也少詩照翻又音小昧莫佩翻

太后曰諾年幾何矣對

曰十五歲矣雖少願及未填溝壑而託之

幾居宜翻謙言死必填溝

壑願及未死而託少子也

太后曰丈夫亦愛少子乎對曰甚於婦人

太后笑曰婦人異甚對曰老臣竊以為媼之愛燕后賢

於長安君

媼烏浩翻婦之老者之稱趙太后之女嫁於燕故稱之曰燕后燕因肩翻

太后曰

君過矣不若長安君之甚左師公曰父母愛其子則為
之計深遠媼之送燕后也持其踵而泣念其遠也亦哀
之矣已行非不思也祭祀則祝之曰必勿使反豈非為
之計長久為子孫相繼為王也哉太后曰然左師公曰
今三世以前至於趙王之子孫為侯者其繼有在者乎
曰無有曰此其近者禍及身遠者及其子孫豈人主之
子侯則不善哉位尊而無功奉厚而無勞

奉讀曰俸凡
奉祿之奉皆

同音而挾重器多也今媼尊長安君之位而封之以膏腴

之地多與之重器而不及今令有功於國

令力丁一且翻使也

山陵崩長安君何以自託於趙哉太后曰諾恣君之所

使之於是為長安君約車百乘質於齊

為于偽翻乘純證翻質音致

齊師乃出秦師退齊安平君田單將趙師以伐燕取

中陽

徐廣曰陽一作人史記正義曰燕無中陽括地志中山故城一名中人亭在定州唐縣北四十一里

是時燕屬燕將即亮翻燕因肩翻

又伐韓取注人

括地志注城在汝州梁縣西四十五里

齊襄王薨子建立建年少國事皆決於君王后

少詩照翻

五十一年秦武安君伐韓取南陽攻太行道絕之

秦封白起

為武安君韓之南陽即河內野王之地班志太行山在野王西北括地志在懷州河內縣北四十五里行戶剛

翻

楚頃襄王疾病

疾至於甚曰病

黃歇言於應侯曰今楚王

疾恐不起秦不如歸其太子太子得立其事秦必重而

德相國無窮是親與國而得儲萬乘也不歸則咸陽布

衣耳

四十年黃歇與楚太子為質於秦應於陵翻相息亮翻來繩證翻歇許竭翻

楚更立君

必不事秦

更工衡翻

是失與國而絕萬乘之和非計也應侯

以告王王曰令太子之傅先往問疾反而後圖之黃歇

與太子謀曰秦之畱太子欲以求利也今太子力未能

有以利秦也

令力丁翻
歇許竭翻

而陽文君子二人在中王若卒

大命

謂死也卒終
也音子恆翻

太子不在陽文君子必立為後太子

不得奉宗廟矣不如亡秦與使者俱出

逃去為亡
使疏史翻

臣請

止以死當之太子因變服為楚使者御而出關而黃歇

守舍常為太子謝病度太子已遠

歇許竭翻守舍者守
楚太子所寓館舍常

為子偽翻
度徒洛翻

乃自言於王曰楚太子已歸出遠矣歇願賜

死王怒欲聽之應侯曰歇為人臣出身以徇其主太子

立必用歇不如無罪而歸之

言無以罪加歇而歸之於
楚以結其和親也應於陵

翻

以親楚王從之黃歇至楚三月秋項襄王薨考烈王

即位

項音傾秋卽是年秋考烈王卽太子完

以黃歇為相封以淮北地號

曰春申君

史記欽初封春申君賜淮北十四縣後徙封江東因城吳故墟以為都邑今蘇州是也相

息亮

翻

五十三年楚人納州于秦以平

司馬彪志南郡州陵縣註云楚考烈王納州于

秦卽其地

武安君伐韓拔野王上黨路絕

武安君上邈秦字史記正義曰

從太行西北澤潞等州皆上黨郡地釋名云上黨所治在山上其所最高故曰上黨

上黨守馮亭

姓譚畢公高之子食采於馮城因以命氏鄭有大夫馮簡子守武又翻

與其民謀曰鄭道

已絕

韓都新鄭自上黨趣鄭由野王度河今秦拔野王故鄭道絕

秦兵日進韓不能

應不如以上黨歸趙趙受我秦必攻之趙被秦兵必親

韓

應於證翻被皮義翻

韓趙為一則可以當秦矣乃遣使者告於

趙曰韓不能守上黨入之秦

謂韓獻上黨於秦使疏吏翻

其吏民皆

安於趙不樂為秦

為于偽翻樂音洛下同

有城市邑十七

城市邑言邑之

有城市者指言大邑也

願再拜獻之大王趙王以告平陽君豹對

曰聖人甚禍無故之利

甚禍者言甚以為禍也

王曰人樂吾德何

謂無故對曰秦蠶食韓地中絕不令相通固自以為坐

而受上黨也韓氏所以不入於秦者欲嫁其禍於趙也

毛晃曰推惡於人曰嫁怨嫁禍推吐雷翹

秦服其勞而趙受其利雖強大不

能得之於弱小弱小固能得之於彊大乎豈得謂之非

無故哉不如勿受王以告平原君平原君請受之王乃

使平原君往受地

秦有吞天下之心使趙不受上黨而秦得之亦必據上黨而攻趙故趙之

禍不在於受上黨而在於用趙括

以萬戶都三封其太守為華陽君

守式

人以千戶都三封其縣令為侯吏民皆益爵三級馮亭

垂涕不見使者曰吾不忍賣主地而食之也

使疏

五十五年秦左庶長王齕攻上黨拔之

長知大翻齕音
紀杜佑恨勿翻

康胡
骨翻

上黨民走趙趙廉頗軍於長平

司馬彪志上黨注
氏縣有長平亭括

地志長平故城在上黨縣西四十一里杜佑曰白起阮
趙卒於長平有頭顱山築臺於壘中因山為臺宋白曰

秦阮趙卒於長平今澤州之北高平縣西北二十一里
長平故城是也頗音何翻注上玄翻頗音盧壘魯水翻

以按據上黨民

毛晃曰按於肝翻抑也止也據也余謂
此據按二字按字當以抑止為義據依

據也引援也拒守也言廉頗依據上黨地險引援上黨
之民而拒守也康曰按音遏此義亦通但按字無遏音

王齕因伐趙趙軍數戰不勝

數所

止一裨將四尉

裨將
軍之

副將也尉軍中諸部都尉
也裨頻彌翻將即亮翻

趙王與樓昌虞卿謀

風俗通
曰凡氏

之興九事氏於號者唐虞夏殷是也氏於國者齊魯宋
衛是也氏於事者巫卜陶匠是也氏於字者伯仲叔季
是也氏於謚者樓昌請發重使為媾媾音構
戴武宣穆是也

樓昌請發重使為媾

媾音構和也

虞卿曰今

制媾者在秦秦必欲破王之軍矣雖往請媾秦將不聽
不如發使以重寶附楚魏楚魏受之則秦疑天下之合

從從子容翻媾乃可成也王不聽使鄭朱媾於秦秦受之王

謂虞卿曰秦內鄭朱矣

虞卿時為趙之相

對曰王必不得媾而

軍破矣何則天下之賀戰勝者皆在秦矣夫鄭朱貴人

也秦王應侯必顯重之以示天下

夫音扶應於陵翻

天下見王

之媾於秦必不救王秦知天下之不救王則媾不可得

成矣既而秦果顯鄭朱而不與趙媾

史言趙之喪師感國不特以趙括代

廉頗之故亦由不用虞卿之計也

秦數敗趙兵廉頗堅壁不出趙王以

頗失亡多而更怯不戰怒數讓之

數所角翻屢也敗補邁翻

應侯又

使人行千金於趙為反間曰秦之所畏獨畏馬服君之

子趙括為將耳

問古寬翻將即亮翻

廉頗易與且降矣

易弋鼓翻降戶江翻

趙王遂以趙括代頗將藺相如曰王以名使括若膠柱

鼓瑟耳

鼓瑟者絃有緩急調絃之緩急在柱之運轉若膠其柱則絃不可得而調緩者一於緩急者一

於急無括徒能讀其父書傳不知合變也兵以正合以奇變傳直戀

翻王不聽初趙括自少時學兵灋以天下莫能當嘗與

其父奢言兵事奢不能難少詩照翻難乃然不謂善括

母問其故奢曰兵死地也而括易言之易以致輕也使趙不

將括則已若必將之將即亮破趙軍者必括也及括將

行其母上書言括不可使王曰何以上時掌翻言以何事知其不可使也

對曰始妾事其父時為將身所奉飯而進食者以十數

奉讀所友者以百數王及宗室所賞賜者盡以與軍吏

士大夫受命之日不問家事今括一旦為將東鄉而朝

軍吏無敢仰視之者

將即亮翻
朝直遙翻

王所賜金帛歸藏于家

而日視便利田宅可買者買之王以為如其父父子異

心願王勿遣王曰毋置之吾已決矣

置止也廢也置之
言廢置此事止勿

也言母因曰即如有不稱妾請無隨坐

稱尺證翻不稱言
不勝任也隨坐相

隨而坐罪也觀此則知古
者敗軍之將罪併及其家

趙王許之秦王聞括已為趙

將乃陰使武安君為上將軍而王翳為裨將令軍中有

敢泄武安君將者斬趙括至軍悉更約束

翳恨勿翻
更工衡翻

易

置軍吏出兵擊秦師武安君佯敗而走

佯音羊詐也

張二奇

兵以劫之

劫勢脅也說文人欲去以力脅止曰劫

趙括乘勝追造秦壁

造七

到翻壁堅拒不得入奇兵二萬五千人絕趙軍之後又

詣也

五千騎絕趙壁間

騎奇寄翻

趙軍分而為二糧道絕武安君

出輕兵擊之趙戰不利因築壁堅守以待救至秦王聞

趙食道絕自如河內發民年十五以上悉詣長平遮絕

趙救兵及糧食

如往也上時掌翻遮者遮斷其路

齊人楚人救趙趙人

乏食請粟于齊王弗許周子曰夫趙之於齊楚扞蔽也

夫音猶齒之有脣也脣亡則齒寒今日亡趙明日患及

扶齊楚矣救趙之務宜若奉漏甕沃焦釜然

奉讀曰捧言唯恐不及也

且救趙高義也却秦師顯名也義救亡國威却彊秦不

務為此而愛粟為國計者過矣齊王弗聽九月趙軍食

絕四十六日皆內陰相殺食急來攻壘

史言急來攻壘趙括為計如此

耳下言欲出而不能出趙括自出而死其勢可見

欲出為四隊四五復之不能

出言括欲分其卒為四隊更攻秦壘自一隊至四隊至五則復之而不能出也趙括自出銳

卒搏戰秦人射殺之

射而亦翻

趙師大敗卒四十萬人皆降

降戶
江翻

武安君曰秦已拔上黨上黨民不樂為秦而歸趙

趙卒反覆非盡殺之恐為亂乃挾詐而盡坑殺之遺其

小者二百四十人歸趙

樂為上音洛下子偽翻又音如字四十餘萬人皆死而獨遺小

者二百四十人得歸趙此非得脫也白起之譎也強壯盡死則小弱得歸者必言秦之兵威所以破趙人之膽將以乘勝取邯鄲也為應侯所沮故白起之計不得行耳譎古兗翻邯鄲音寒丹應於陵翻沮在呂翻卒子恤

前後斬首虜四十五萬人趙人大震

此言秦兵自趙廉頗至大破趙

括前後所斬首虜之數耳兵非大敗四十萬人安肯來身而死耶

五十六年十月武安君分軍為三王齕攻趙武安皮牢

拔之

史記正義曰皮牢故城在絳州龍門縣西一里余謂秦兵已至上黨不應復回攻絳州之皮牢宋白

曰蒲州龍門縣秦為皮氏縣今縣西一里八十步古皮氏城是也恐不可以皮氏為皮牢司馬梗北

定太原

太原即漢太原郡地在上黨西北

盡有上黨地韓魏使蘇代厚

幣說應侯曰武安君即圍邯鄲乎

說式芮翻邯鄲音寒丹

曰然蘇

代曰趙亡則秦王王矣

秦之稱王自王其國耳今破趙國則將王天下也

武安

君為三公君能為之下乎雖欲無為之下固不得已矣

秦嘗攻韓圍邢丘困上黨

四十九年通鑑書秦拔魏邢丘豈其時邢丘之地固屬韓

邪上黨之民皆反為趙天下不樂為秦民之日久矣

秦

洛
今亡趙北地入燕東地入齊南地入韓魏則君之所

得民無幾何人矣不如因而割之無以為武安君功也

應侯言於秦王曰秦兵勞請許韓趙之割地以和且休

士卒王聽之割韓垣雍趙六城以和應於陵翻司馬彪志河南卷縣有垣

雍城或曰古衡雍注曰今縣所治城是也史記正義曰垣雍城在今鄭州原武縣西北七里雍於用翻正

月皆罷兵觀此則亦用十月為歲首蓋因秦記而書之也武安君由是與應侯

有隙為秦殺白起張本趙王將使趙郝約事於秦割六縣約事約結

和之事也郝音釋虞卿謂趙王曰秦之攻王也倦而歸徐廣曰一作赦

乎王以其力尚能進愛王而弗攻乎王曰秦不遺餘力

矣必以倦而歸也

遺失也

虞卿曰秦以其力攻其所不能

取倦而歸王又以其力之所不能取以送之是助秦自

攻也來年秦攻王王無救矣

言無救於講和之失計也

趙王計未定

樓緩至趙趙王與之計之樓緩曰虞卿得其一不得其

二秦趙構難而天下皆說

難乃旦翻說讀曰悅

何也吾且因彊

而乘弱矣今趙不如亟割地為和以疑天下

緩謂趙與秦和則天

下疑趙有秦之援將不敢乘弱而圖之

慰秦之心不然天下將因秦之怒

乘趙之敝瓜分之趙且亡何秦之圖乎虞卿聞之復見

曰危哉樓子之計是愈疑天下

復扶又翻又音如字卿謂趙與秦和則天下愈

疑而不肯親趙也

而何慰秦之心哉獨不言其示天下弱乎且

臣言勿與者非固勿與而已也秦索六城於王而王以

六城賂齊齊秦之深讐也

索山客翻齊自宣潞以來親楚而讐秦孟嘗君嘗率諸侯

伐秦至函谷洛讀曰閑

其聽王不待辭之畢也則是王失之於齊

而取償於秦而示天下有能為也

言趙失地於賂齊而能攻秦取其地以償

失所王以此發聲兵未窺於境臣見秦之重賂至趙而反

媾於王也從秦為媾韓魏聞之必盡重王

媾居候翻說文媾重婚也

引易匪寇婚媾夫已婚而夫妻反目而不和既而復和者為媾此言秦趙為寇讐而交兵至今而復和故以媾

為言也重

是王一舉而結三國之親而與秦易道也

秦脅

直龍翻

韓魏使事秦趙結韓魏使親趙是與秦易道易音如字

趙王曰善使虞卿東見齊

王與之謀秦虞卿未返秦使者已在趙矣

兼和於趙也使疏史翻

樓緩聞之亡去趙王封虞卿以一城秦之始伐趙也魏

王問於大夫皆以為秦伐趙於魏便孔斌曰

斌悲中翻

何謂

也曰勝趙則吾因而服焉不勝趙則吾承敝而擊之子

順曰不然秦自孝公以來戰未嘗屈今又屬其良將

良將

謂白起也屬之欲翻將即亮翻

何故之承大夫曰縱其勝趙於我何損

鄰之羞國之福也子順曰秦貪暴之國也勝趙必復他

求又復扶翻吾恐於時魏受其師也於時猶言於此時也先人有言驚

雀處屋

處呂翻

子母相哺啍啍焉相樂也

哺音步啍或作均音况羽翻康

吁句切樂音洛

自以為安矣竈突炎上

突徒忽翻竈竈謂之突陸德明曰上時掌翻人

如字棟宇將焚燕雀顏不變不知禍之將及已也今子不

悟趙破患將及已可以人而同於燕雀乎子順者孔子

六世孫也

孔子生伯魚伯魚生子思子思生子子上子生家子家生子京子京生子高子高生子

順初魏王聞子順賢遣使者奉黃金束帛聘以為相

使疏

史翻相
息亮翻

子順曰若王能信用吾道吾道固為治世也

為于

偽翻治
直之翻

雖蔬食飲水吾猶為之若徒欲制服吾身委以

重祿吾猶一夫耳魏王奚少於一夫

食祥史翻
少始紹翻

使者固

請子順乃之魏

之如也
往也

魏王郊迎以為相子順改嬖寵

之官以事賢才奪無任之祿以賜有功

嬖卑義翻又博
計翻無任之祿

謂不任事
而食祿者諸喪職者咸不悅乃造謠言

喪息
浪翻

文咨以告

子順

文姓也越有大夫文種

子順曰民之不可與慮始久矣古之

善為政者其初不能無謫子產相鄭三年而後謗止

左傳子產

相鄭一年與人誦之曰取我衣冠而褚之取我田疇而伍之孰殺子產吾其與之及三年又誦之曰我有子弟子產誨之我有田疇子產殖之子產而死誰其嗣之褚丁呂翻褚所以貯藏衣物左傳鄭賈人欲脫智瑩將寘諸褚中

吾先君之相魯三月而後謫止今吾為政日新

雖不能及賢庸知謫乎文咨曰未識先君之謫何也子

順曰先君相魯人誦之曰麇裘而帶投之無戾帶而麇

裘投之無郵及三月政化既成民又誦曰袞衣章甫實

獲我所章甫袞衣惠我無私

麋鹿子也以其皮為裘記曰一命緼帶黻珩再命赤

帶黻珩三命赤帶蔥珩大夫以上赤帶乘軒戾罪也郵與尤同過也章甫股冠孔子曰丘長居宋冠章甫之冠

古者大夫羔裘以居狐裘以朝麋裘而帶謂帶與麋裘相稱刺孔子也袞衣而章甫言孔子相魯能行古之道

也麋莫兮翻康綿披切帶分勿翻協韻方蓋翻戾郎計翻康曰力結切曲也音義非文咨喜曰乃

今知先生不異乎聖賢矣子順相魏凡九月陳大計輒

不用乃喟然曰

喟去貴翻喟然發嘆之聲

言不見用是吾言之不當

也言不當於主

當丁浪翻

居人之官食人之祿是尸利素餐

吾罪深矣

尸主也素餐言空食尸利言仕不能行道而主於利也素餐言空食尸君之祿而不能有所為也

退而以病致仕

致仕言致其仕事

人謂子順曰王不用子子其

行乎答曰行將何之山東之國將并於秦秦為不義義

所不入遂寢於家新垣固請子順曰

新垣姓也陳留風俗傳周畢公之後

居於梁為新垣氏梁有新垣衍漢有新垣平是也

賢者所在必興化致治

治直吏翻

今子相魏未聞異政而即自退意者志不得乎何去之

速也子順曰以無異政所以自退也且死病無良醫

病不

可為則良醫束手故無良醫

今秦有吞食天下之心以義事之固不

獲安救亡不暇何化之興昔伊摯在夏

伊摯即伊尹尹就桀五就

湯摯呂望在商

史記曰太公博聞嘗事紂紂無道去之音至游說諸侯無所遇而卒西歸周西伯

而二國不治豈伊呂之不欲哉勢不可也

治直吏翻

當今山

東之國敝而不振三晉割地以求安二周折而入秦燕

齊楚已屈服矣

燕因肩翻

以此觀之不出二十年天下其盡

為秦乎

自此至秦始皇二十五年并天下凡三十八年

秦王欲為應侯必報

其仇

為于偽翻應於陵翻

聞魏齊在平原君所

四十九年魏齊奔趙匿於平原君家

乃為好言誘平原君至秦而執之

誘音酉

遣使謂趙王曰

不得齊首吾不出王弟於闕魏齊窮抵虞卿虞卿棄相

印與魏齊偕亡

使疏吏翻相息量翻

至魏欲因信陵君以走楚信

陵君意難見之魏齊怒自殺趙王卒取其首以與秦

卒子

恤翻秦乃歸平原君九月五大夫王陵復將兵伐趙

又復扶翻

武安君病不任行

任如林翻不任謂不堪也

五十七年正月王陵攻邯鄲少利

邯鄲音寒丹少利謂兵頗失利也少始紹

翻益發卒佐陵陵亡五校

校戶教翻校猶部隊也立軍之法一人曰獨二人曰比三

人曰參此參曰伍五人為列列有頭二列為火十人有長立火子五火為隊隊五十人有頭二隊為官官百人立長二官為曲曲二百人立侯二曲為部部四百人立司馬二部為校校八百人立尉二校為裨將千六百人

立將軍二裨將軍三千武安君病愈王欲使代之武安

二百人有將軍副將軍

君曰邯鄲實未易攻也

易以敗翻

且諸侯之救日至彼諸侯

怨秦之日久矣秦雖勝於長平士卒死者過半國內空

遠絕河山而爭人國都

自秦而攻邯鄲有大河及王趙屋太行諸山之阻橫渡曰絕

應其內諸侯攻其外破秦軍必矣王自命不行

秦王親命之行

而不肯行也

乃使應侯請之武安君終辭疾不肯行乃以王

齏代王陵

應於陵翻齏恨勿翻

趙王使平原君求救於楚平原君

約其門下食客文武備具者二十人與之俱得十九人

餘無可取者毛遂自薦於平原君

姓譖毛本自周武王母弟毛公

平原

君曰夫賢士之處世也譬若錐之處囊中其末立見

夫音

扶毛晃曰錐銳也又器如鑽囊袋也有底曰囊處昌呂翻見賢過翻

今先生處勝之門下

三年於此矣左右未有所稱誦勝未有所聞是先生無

所有也先生不能先生留

以毛遂為不能而使之留也

毛遂曰臣乃

今日請處囊中耳使遂蚤得處囊中乃脫穎而出非特

其末見而已

處昌呂翻見賢過翻毛晃曰錐銳曰穎

平原君乃與之俱十

九人相與目笑之

索隱曰謂目視而侮笑之

平原君至楚與楚王言

合從之利害日出而言之日中不決毛遂按劍歷階而

上謂平原君曰從之利害兩言而決耳

兩言謂利害也從子容翻上

時掌翻

今日出而言日中不決何也楚王怒叱曰胡不下

胡何也

吾乃與而君言

而猶汝也

汝何為者也毛遂按劍而前

曰王之所以叱遂者以楚國之衆也今十步之內王不

得恃楚國之衆也王之命懸於遂手吾君在前叱者何

也且遂聞湯以七十里之地王天下

王于況翻

文王以百里

之壤而臣諸侯豈其士卒衆多哉誠能據其勢而奮其

威也今楚地方五千里持戟百萬此霸王之資也以楚

之彊天下弗能當白起小豎子耳率數萬之衆興師以

與楚戰一戰而舉鄢郢再戰而燒夷陵

事見上卷三十七年史記正義

曰鄢郢故城在襄州率道縣西南九里安郢城在荊州江陵縣東北七里鄢於懋翻郢以井翻

三戰而

辱王之先人

謂焚夷楚之陵廟也

此百世之怨而趙之所羞而王

弗之惡焉合從者為楚非為趙也吾君在前叱者何也

楚王曰唯唯

惡鳥路翻為于偽翻唯于癸翻

誠若先生之言謹奉社稷

以從

從如字

毛遂曰從定乎楚王曰定矣毛遂謂楚王之

左右曰取雞狗馬之血來

索隱曰盟之所用牲貴賤不同天子用牛及馬諸侯用犬

及駘大夫以下用雞今此摠言盟之用血故毛遂奉銅

盤而跪進之楚王曰王當歃血以定從

索隱曰歃血若周禮則用珠盤

奉讀曰捧歃色洽翻又所甲翻從子容翻

次者吾君次者遂遂定從於殿上

毛遂左手持盤血而右手招十九人曰公等相與歃此

血於堂下公等錄錄所謂因人成事者也

說文錄錄隨從之貌音祿

索隱曰音六王劬曰錄借字耳

平原君已定從而歸至於趙曰勝不敢

相天下士矣

相息亮翻

遂以毛遂為上客於是楚王使春申

君將兵救趙魏王亦使將軍晉鄙將兵十萬救趙

晉以國為

氏

秦王使謂魏王曰吾攻趙旦暮且下諸侯敢救之者

吾已拔趙必移兵先擊之魏王恐遣人止晉鄙留兵壁

鄴

班志鄴縣屬魏郡

名為救趙實挾兩端

兩端名為救趙實貳於秦

又使將

軍新垣衍間入邯鄲

間入由間道而人也間右覓翻邯鄲音寒丹

因平原君

說趙王欲共尊秦為帝以却其兵齊人魯仲連在邯鄲

聞之往見新垣衍曰彼秦者棄禮義而上首功之國也

秦以戰而能斬首有功者為上故曰上首功上尚也索隱曰秦法斬首多為上功斬一人首則賜爵一級故謂

秦為上首
功之國

彼即肆然而為帝於天下則連有蹈東海而

死耳不願為之民也且梁未睹秦稱帝之害故耳吾將

使秦王烹醢梁王新垣衍快然不悅

快於兩翻

曰先生惡能

使秦王烹醢梁王

惡音烏

魯仲連曰固也吾將言之昔者

九侯鄂侯文王紂之三公也九侯有子而好獻之於紂

紂以為惡醢九侯

醢呼改翻肉醬也

鄂侯爭之彊辯之疾故脯

鄂侯文王聞之喟然而嘆故拘之牖里之庫百日欲令

之死

司馬彪志河內郡蕩陰縣有牖里城紂囚文王於此史記正義曰其地在蕩陰縣北九里喟于貴翻

牖音酉令
力丁翻

今秦萬乘之國也梁亦萬乘之國也俱據萬

乘之國各有稱王之名奈何睹其一戰而勝欲從而帝

之卒就脯醢之地乎

乘繩證翻
卒子恤翻

且秦無已而帝則將行

其天子之禮以號令於天下則且變易諸侯之大臣彼

將奪其所不肖而與其所賢奪其所憎而與其所愛彼

又將使其子女讒妾為諸侯妃姬處梁之宮

處昌呂翻

梁王

安得晏然而已乎而將軍又何以得故寵乎新垣衍起

再拜曰吾乃今知先生天下之士也吾請出不敢復言

帝秦矣

復扶又翻考異曰史記魯仲連傳云新垣衍謝請出不敢復言帝秦秦將聞之為却軍五十里

按仲連所言不過論帝秦之利害耳使新垣衍慙怍而去則有之秦將何預而退軍五十里乎此亦游談者之誇大也不取垣于元翻怍才

燕武成王薨子孝王立

初魏公子無忌仁而下士

下遐稼翻

致食客三千人魏有

隱士曰侯嬴

洪氏隸釋有漢金鄉守長侯君之碑云其先出自幽岐周文王之後封於鄭鄭共仲

賜氏曰侯厥皆宣多以功佐國審如是則侯姓出於侯宣多嬴音盈曹植音羸瘦之羸

年七十家

貧為大梁夷門監者

大梁魏都夷門蓋大梁城北門監古街翻

公子置酒大

會賓客坐定公子從車騎虛左自迎侯生

古者乘車尊者在左虛左

以迎尊侯生而禮之也騎奇寄翻

侯生攝敝衣冠直上載公子上坐不

讓

直上時掌翻上坐之才臥翻

公子執轡愈恭侯生又謂公子曰臣

有客在市屠中願枉車騎過之公子引車入市侯生下

見其客朱亥

姓譚朱本高陽周封其後於邾後為楚所滅子孫乃去邑氏朱

脾睨故久

立與其客語

脾睨不正視也脾正詣翻睨研計翻

微察公子公子色愈和

乃謝客就車至公子家公子引侯生坐上坐徧贊賓客

賓客皆驚

索隱曰贊告也謂以侯生徧告賓客徧與遍同

及秦圍趙趙平原君

之夫人公子無忌之姊也平原君使者冠蓋相屬於魏

屬之欲翻讓公子曰勝所以自附於婚姻者以公子之下乃屬同

高義能急人之困也今邯鄲旦暮降秦而魏救不至縱

公子輕勝棄之獨不憐公子姊邪邯鄲音寒丹降公子

患之數請魏王勅晉鄙令救趙數所角翻及賓客辯士

游說萬端王終不聽公子乃屬賓客說式為翻約車騎

百餘乘欲赴闕以死於趙過夷門見侯生侯生曰公子

勉之矣老臣不能從乘絕證翻公子去行數里心不快

以侯生既不從行又復還見侯生侯生笑曰臣固知公不為之畫計謀也

子之還也

復扶又翻又音如字還從宣翻又音如字

今公子無佗端而欲赴

秦軍

無佗端言無佗奇策以發端也

譬如以肉投餒虎何功之有公子

再拜問計侯嬴屏人曰吾聞晉鄙兵符在王臥內而如

姬最幸力能竊之嘗聞公子為如姬報其父仇

屏必郢翻史記

曰如姬之父為人所殺公子使客斬其仇頭以進如姬屏卑郢翻為子偽翻下同

如姬欲為公

子死無所辭公子誠一開口則得虎符

虎威猛之獸故以為兵符漢有

銅虎符

奪晉鄙之兵北救趙西却秦此五伯之功也

復扶又翻

公子如其言果得兵符公子行侯生曰將在外君令有

所不受

孫武子之言將即亮翻令力正翻

有如晉鄙合符而不授兵復

請之則事危矣

又復翻扶

臣客朱亥其人力士可與俱晉鄙

若聽大善不聽可使擊之於是公子請朱亥與俱至鄴

晉鄙合符疑之舉手視公子曰吾擁十萬之衆屯於境

上今單車來代之何如哉朱亥袖四十斤鐵椎椎殺晉

鄙

椎直追翻齊人謂之終葵鐵椎以鐵為之椎殺擊殺也與槌同

公子遂勒兵下令軍

中曰父子俱在軍中者父歸兄弟俱在軍中者兄歸獨

子無兄弟者歸養

養羊尚翻後養上為養同

得選兵八萬人將之而

進王翳久圍邯鄲不拔諸侯來救戰數不利

翳恨勿翻邯音寒

丹數所

武安君聞之曰王不聽吾計今何如矣

白起以

未易攻而王翳軍果不利故以為言

王聞之怒彊起武安君

彊其兩翻

武安君

稱病篤不肯起

五十八年十月免武安君為士伍遷之陰密

如淳曰律有罪失官

爵稱士伍師古曰謂奪其爵令為士伍言使從士卒之伍也班志陰密縣屬安定郡古密國詩所謂密人不恭

者也括地志陰密故城在涇州鶉觚縣西古密須氏之國

十二月益發卒軍汾城旁

汾城即漢河東臨汾縣城也去邯鄲尚遠秦蓋屯兵于此為王翳聲援括地志臨汾故城在絳州正平縣東北

三十里武安君病未行諸侯攻王齕齕數却齕恨勿翻使

者日至使疏王乃使人遣武安君不得留咸陽中武安

君出咸陽西門十里至杜郵水經注渭水故渠逕安陵南渠側有杜郵亭又逕渭

城北秦咸陽漢之渭城也史記正義曰今咸陽縣城本秦時杜郵也在雍州西北三十五里郵音尤雍于用翻

王與應侯羣臣謀曰白起之遷意尚快快有餘言快于兩翻

王乃使使者賜之劍武安君遂自殺秦人憐之鄉邑皆

祭祀焉魏公子無忌大破秦師於邯鄲下王齕解邯鄲

圍走鄭安平為趙所困將二萬人降趙邯鄲音寒丹應降戶江翻

侯由是得罪

鄭安平匿范雎以見王稽因此入秦為相故雎保任安平而用之今安平降趙故雎

由此得罪秦法保任其人而不稱者與同罪應于陵翻

公子無忌既存趙遂不敢

歸魏與賓客留居趙使將將其軍還魏

將即亮翻還從宣翻又音如字

趙王與平原君計以五城封公子趙王掃除自迎執主

人之禮引公子就西階公子側行辭讓從東階上

記曲禮主

人就東階客就西階客若降等則就主人之階上時掌翻

自言臯過

臯古罪字秦始皇以臯字近皇

字改為罪

以負於魏無功於趙趙王與公子飲至暮口不忍

獻五城以公子退讓也趙王以鄙為公子湯沐邑

師古曰凡

言湯沐之具也謂以其賦稅供

魏亦復以信陵奉公子

杜佑曰信

陵君邑于今宋州寧陵縣

公子聞趙有處士毛公隱於博徒薛公隱

於賣漿家

處昌呂翻姓譜薛本自黃帝任姓之後裔孫奚仲居薛歷夏殷周六十四代為諸侯後因

氏欲見之兩人不肯見公子乃間步從之游平原君聞

而非之公子曰吾聞平原君之賢故背魏而救趙今平

原君所與遊徒豪舉耳

間古覓翻背蒲妹翻索隱曰謂豪者舉之

不求士也

以無忌從此兩人遊尚恐其不我欲也平原君乃以為

羞乎為裝欲去

為裝者為行裝也

平原君免冠謝乃止平原君

欲封魯連

以其折新垣衍言帝秦也

使者三返終不肯受

使疏吏翻

又以

千金為魯連壽魯連笑曰所貴於天下士為人排患釋

難解紛亂而無取也

為人之為于偽翻難乃旦翻

即有取是商賈之

事也

賈音古下同

遂辭平原君而去終身不復見

復扶又翻

秦

太子之妃曰華陽夫人

蓋食湯沐邑於華陽因以為號華戶化翻

無子夏姬

生子異人異人質於趙秦數伐趙趙人不禮之

夏戶雅翻質音

致教所角翻

異人以庶孽孫質於諸侯車乘進用不饒

張晏曰孺

子曰孽子何休曰孽子賤子也非嫡正之子曰孽師古曰孽庶子也唐韻曰猶不之有孽生也異人于秦太子

為庶子于秦王為庶孽孫孽魚列翻索隱曰進者財居也宜依小顏讀為賣古字多假借用之進音才刃翻

處困不得意陽翟大賈呂不韋適邯鄲見之曰此奇貨

可居

賈音古邯鄲音寒丹賈人居積滯貨伺時以牟利以異人方財貨也

乃往見異人說

曰吾能大子之門

說式芮翻

異人笑曰且自大君之門不韋

曰子不知也吾門待子門而大異人心知所謂乃引與

坐深語不韋曰秦王老矣太子愛華陽夫人夫人無子

子之兄弟二十餘人子侯有秦國之業

華戶化翻下同子侯蓋秦太子

之子愛而居長者康曰侯胡啓切余謂侯字即左傳高侯之侯陸德明曰侯音分

士倉又輔之

姓譖士姓晉
士為之後

子居中不甚見幸久質諸侯太子即位子

不得爭為嗣矣

質音致嗣
祥吏翻

異人曰然則奈何不韋曰能

立適嗣者獨華陽夫人耳

適讀曰嫡
下為適同

不韋雖貧請以千

金為子西遊立子為嗣異人曰必如君策請得分秦國

與君共之不韋乃以五百金與異人令結賓客復以五

百金買奇物玩好

復扶人翻
好呼到翻

自奉而西見華陽夫人之

姊而以奇物獻於夫人因譽子異人之賢

譽音余

賓客徧

天下常日夜泣思太子及夫人曰異人也以夫人為天

夫人大喜不韋因使其姊說夫人曰

說式芮翻

夫以色事人

者色衰則愛弛

扶夫音

今夫人愛而無子不以繁華時蚤

自結於諸子中賢孝者舉以為適

適讀曰嫡

即色衰愛弛雖

欲開一言尚可得乎今日異人賢而自知中子

中讀曰仲

不

得為適夫人誠以此時拔之是子異人無國而有國夫

人無子而有子也則終身有寵於秦矣夫人以為然承

間言於太子曰

間古芮翻

子異人絕賢

毛晃曰絕奇冠也相去遼遠也

來往

者皆稱譽之因泣曰妾不幸無子願得子異人立以為

子以託妾身太子許之與夫人刻玉符約以為嗣因厚

餽遺異人

嗣祥史翻遺于季翻

而請呂不韋傳之異人名譽盛於

諸侯呂不韋娶邯鄲諸姬絕美者與居

娶字當從史記作取邯鄲音寒

丹知其有娠

應劭曰娠震動懷任之意左傳曰邑姜方娠孟康曰娠音身漢史娠多作身古今字

也師古曰孟說是也漢書皆以娠為任身字邑姜方震自震動之震不作娠

異人從不韋飲

見而請之不韋佯怒既而獻之孕期年而生子政

佯音年期

讀曰暮蓋任身十二月而生也子政異人遂以為夫人是為始皇為呂不韋以此賈禍張本

邯鄲之圍趙人欲殺之異人與不韋行金六百斤予守

者予讀脫亡赴秦軍遂得歸異人楚服而見華陽夫人

楚服為楚人之服或曰楚楚盛服也

夫人曰吾楚人也當自子之因更其

名曰楚

五十九年秦將軍嫪伐韓

嫪史記正義紀虬翻康曰居由切

取陽城負

秦斬首四萬伐趙取二十餘縣斬首虜九萬赧王恐背

秦與諸侯約從將天下銳師出伊闕攻秦令無得通陽

城從子容翻將即亮翻令力丁翻

秦王使將軍嫪攻西周赧王入秦頓

首受罪盡獻其邑三十六口三萬秦受其獻歸赧王於

周是歲赧王崩

皇甫謐曰周凡二十
七王八百六十七年

資治通鑑卷五

欽定四庫全書薈要卷六千九百九十二

史部

資治通鑑卷六

宋司馬光撰

胡三省音註

秦紀一

起柔兆敦牂盡昭陽作噩凡二十八年始丙午終癸酉也陸德明曰秦隴西谷名也在

雍州鳥鼠山之東北秦之先非子為周孝王養馬於汧渭之間封為附庸邑之秦谷非子曾孫秦仲周宣王命為大夫仲之孫襄公討西戎救周平王東遷以岐豐之地賜之列為諸侯春秋時稱秦伯

昭襄王

名稷惠文王庶子也西周既亡天下莫適為主通鑑以秦卒併天下因以昭襄王繫

年謚法昭德有勞曰昭辟地有德曰襄以沈約謚法言之則昭襄複謚也卒子恤翻謚神至翻

辟讀
曰闕

五十二年河東守王稽坐與諸侯通棄市

河東本魏地秦取之以其

地在大河之東置河東郡守式又翻刑人於市與衆棄之秦法論死于市謂之棄市

應侯日以不

懌

王稽薦范雎於秦王雎既相秦稽亦進用今以罪死故雎日以不懌懌悅也不懌不悅也應於陵翻或曰

范雎之初進用於秦至於為相昭襄王誠悅之也鄭安平既降趙王稽又得罪雎雖為相昭襄王臨朝接之日以不悅懌

王臨朝而歎

朝直遙翻

應侯請其故王曰今武安

羊益反

君死而鄭安平王稽等皆畔內無良將而外多敵國吾

是以憂

將即亮翻

應侯懼不知所出燕客蔡澤聞之

燕於賢翻蔡姓

也以國為氏

西入秦先使人宣言於應侯曰蔡澤天下雄辯

之士彼見王必困君而奪君之位應侯怒使人召之蔡

澤見應侯禮又倨

倨居御翻傲也

應侯不快因讓之曰子宣言

欲代我相

相息亮翻

請問其說蔡澤曰吁

孔安國曰吁疑怪之辭孔穎達曰吁

者心有所嫌而為此聲故以為疑怪之辭也

君何見之晚也夫四時之序成

功者去

謂春生夏長秋就實冬閉藏各成其功而相代謝也夫音扶下同

君獨不見夫

秦之商君楚之吳起越之大夫種何足願與

商君事見二卷周顯

王三十一年吳起事見一卷安王二十一年大夫種相越王句踐以雪會稽之耻功成不退為句踐所殺種溫

公音章勇翻與讀曰歟句
音鈎踐慈淺翻種章勇翻

應侯謬曰何為不可此三子

者義之至也忠之盡也君子有殺身以成名死無所恨

蔡澤曰夫人立功豈不期於成全邪

應於陵翻謬靡幼翻邪音耶

身名

俱全者上也名可法而身死者次也名僂辱而身全者

下也

僂與戮同

夫商君吳起大夫種其為人臣盡忠致功則

可願矣閔天周公豈不亦忠且聖乎三子之可願孰與

閔天周公哉

閔天周文王武王之賢臣閔音宏天於驕翻又於表翻

應侯曰善蔡

澤曰然則君之主惇厚舊故不倍功臣孰與孝公楚王

越王

倍與背同
蒲昧翻

曰未知何如蔡澤曰君之功能孰與三

子曰不若蔡澤曰然則君身不退患恐甚於三子矣語

曰日中則移月滿則虧進退羸縮

五星早出為羸晚出
為縮羸餘輕翻縮所

六與時變化聖人之道也今君之怨已讐而德已報

已怨

讐謂殺魏齊德已報謂
進用王稽鄭安平等

意欲至矣而無變計竊為君危

為于
偽翻

應侯遂延以為上客因薦於王王召與語大悅拜

為客卿應侯因謝病免王新悅蔡澤計畫遂以為相國

澤為相數月免

相息
亮翻

楚春申君以荀卿為蘭陵令

姓
譜

荀本姓卹後去邑為荀又晉荀林父公族隰叔之後班志蘭陵縣屬東海郡史記正義曰今沂州承縣有蘭陵

山荀卿者趙人名況嘗與臨武君論兵於趙孝成王之

前王曰請問兵要臨武君對曰上得天時下得地利觀

敵之變動後之發先之至此用兵之要術也

後先皆去聲

荀

卿曰不然臣所聞古之道凡用兵攻戰之本在乎一民

弓矢不調則羿不能以中六馬不和則造父不能以致

遠

羿古之善射者造父古之善御者也羿音詣中竹仲翻父音甫

士民不親附則湯武

不能以必勝也故善附民者是乃善用兵者也故兵要

在乎附民而已臨武君曰不然兵之所貴者勢利也所

行者變詐也善用兵者感忽悠闇

楊倞曰感忽恍惚也悠闇謂遠視不分之

貌莫知所從出孫吳用之無敵於天下豈必待附民哉

荀卿曰不然臣之所道仁人之兵王者之志也君之所

貴權謀勢利也仁人之兵不可詐也彼可詐者怠慢者

也露袒者也

露袒如人之支體上下無衣裳以覆蔽裸露肉袒者也

君臣上下之

間滑然有離德者也

滑音骨亂也

故以桀詐桀猶巧拙有幸

焉以桀詐堯譬之以卵投石以指撓沸

撓奴巧翻又奴教翻攪也

若

赴水火入焉焦沒耳故仁人之兵上下一心三軍同力

臣之於君也下之於上也若子之事父弟之事兄若手

臂之扞頭目而覆胸腹也

覆敷救翻蓋也

詐而襲之與先驚而

後擊之一也且仁人用十里之國則將有百里之聽用

百里之國則將有千里之聽用千里之國則將有四海

之聽必將聰明警戒和傳而一

康曰將音將帥之將余據文義讀如字為通傳

附音故仁人之兵聚則成卒

百人為卒

散則成列延則若莫邪

之長刃

莫邪吳之寶劍也說文莫邪長戟也邪音耶

嬰之者斷兌則若莫邪

之利鋒當之者潰

兌劉向新序作銳楊倮曰兌猶聚也讀與隊同倮音諒

園居而

方止則若盤石然觸之者角摧而退耳且夫暴國之君

將誰與至哉

扶夫音

彼其所與至者必其民也其民之親

我歡若父母其好我芬若椒蘭彼反顧其上則若灼黥

若仇讎人之情雖桀跖豈有肯為其所惡賊其所好者

哉

字書仇讎皆匹也說文仇讐也讎猶應也左傳怨耦曰仇記曰父之讐不與共戴天蓋謂仇之初匹也至

于耦而成怨則為仇讐校也兩本相對覆校是非也殺父之人一旦相對覆校是非則不共戴天矣仇讐之義至此為甚後世率以為言好是猶使人之子孫自賊其呼到翻為于偽翻惡烏路翻

父母也彼必將來告夫又何可詐也故仁人用國日明

諸侯先順者安後順者危敵之者削反之者亡詩曰武

王載發有虔秉鉞如火烈烈則莫我敢遏此之謂也商頌

之辭武王湯也發依商頌讀為旆古者軍將戰則建旆孝成王臨武君曰善請問

王者之兵設何道何行而可楊倞曰設謂制置道謂論說教令也行謂動用也

荀卿曰凡君賢者其國治君不能者其國亂隆禮貴義

者其國治簡禮賤義者其國亂治者彊亂者弱是彊弱

之本也治直吏翻上足卽則下可用也上不足卽則下不可

用也

印古仰字音魚向翻
楊倞曰下託上曰仰

下可用則彊下不可用則弱

是彊弱之常也齊人隆技擊

孟康曰技擊者兵家之技
巧習手足便器械積機闔

以立攻守之勝者也楊倞曰技材力也齊人以
勇力擊斬敵者號為技擊隆重也技渠綺翻

其技也

得一首者則賜贖鎰金無本賞矣

楊倞曰八兩曰鎰本
賞謂有功同受賞也

其技擊之術斬得一首則官賜以鎰金贖之斬首雖戰
敗亦賞不斬首雖勝亦不賞是無本賞矣鎰莊持翻

是事小敵毳則偷可用也

毳與脆同
音此芮翻

事大敵堅則渙焉

離耳若飛鳥然傾側反覆無日是亡國之兵也兵莫弱

是矣是其去貨市傭而戰之幾矣

賃女禁翻毛晃曰借
也僦也市傭謂市人

之受雇者也 魏氏之武卒以度取之

楊倞曰選擇武勇之士號為武卒度取之謂取

長短材力之中度者也

衣三屬之甲

如淳曰三身一髀一腰一脰

翻操十二石之弩

沈括曰鈞石之石五權之名石重百二十斤後人以一斛為一石自漢時

已如此于定國飲酒一石不亂是也挽彊弓弩古人以鈞石率之今人乃以杭米一斛之重為一石凡石以九

十二斤半為法乃漢秤三百四十一斤也今之武卒蹶

努有及九石者計其力乃古二十五石比魏之武卒當

二人有餘弓有挽三石者乃古之二十四鈞比顏高之

弓當五人其餘此皆近世教習所致武備之盛前古未

有其比按括之論詳矣然用之則誤國喪

師不知合變是趙括之談兵也操七刀翻

置戈其上

謂置戈于身之上即荷戈也荷下可翻

冠冑帶劔贏三日之糧

日中而趨百里中試則復其户利其田宅

中試言程試而中度者復

其户不徭役也利其田宅給以田宅便利之處胄今之
甕整冠古玩翻羸怡成翻擔也中竹仲翻復方目翻

是其氣力數年而衰而復利未可奪也改造則不易周

也

改造謂更選擇也易弋豉翻

是故地雖大其稅必寡是危國之兵

也秦人其生民也陋隘其使民也酷烈劫之以勢隱之

以阨忸之以慶賞鱗之以刑罰

陘與狹同隘烏懈翻楊
倥曰隱之以阨謂隱蔽

以險阨使敵不能害鄭氏曰秦地多阨隱藏其民于阨
中也忸與徂同串習也戰勝則與之慶賞使習以為常
鱗藉也不勝則以刑罰陵藉之莊子風謂蛇曰鱗我亦
勝我陸德明音義曰鱗音秋藉也李云鱗藉也藉則削

也怛女

使民所以要利於上者非鬪無由也使以功賞

相長五甲首而隸五家

楊偉曰有功則賞之使相長凡獲得五甲首則役隸鄉里之五

家也要一遙翻長知兩翻

是最為衆彊長久之道故四世有勝非幸

也數也

四世謂秦孝公惠文王悼武王昭襄王

故齊之技擊不可以遇魏

之武卒魏之武卒不可以遇秦之銳士秦之銳士不可

以當桓文之節制桓文之節制不可以當湯武之仁義

有遇之者若以焦熬投石焉

焦熬之物至脆投石則碎熬五刀翻

兼是數

國者皆干賞蹈利之兵也傭徒鬻賣之道也未有貴上

安制暴節之理也

楊倞曰干賞蹈利之兵與傭徒之人鬻賣其力而作者無異未有愛貴其

上而為之致死安於制度自不踰越極于節義心不為非之理也

諸侯有能微妙之以

節則作而兼殆之耳

楊倞曰微妙精盡也節仁義也作起也殆危也諸侯有能精盡仁義

則起而兼此數國使之危殆

故招延募選隆勢詐上功利是漸之也

漸浸漬也言勢詐功利漸染以成俗漸子廉翻

禮義教化是齊之也故以詐遇

詐猶有巧拙焉以詐遇齊譬之猶以錐刀隨泰山也

謂禮

義教化之所齊以詐遇之無不敗者隨讀曰隳

故湯武之誅桀紂也拱挹指麾

而彊暴之國莫不趨使

挹一及翻義與揖同

誅桀紂若誅獨夫故

泰誓曰獨夫紂此之謂也故兵大齊則制天下小齊則

治鄰敵

治直之翻

若夫招延募選隆勢詐上功利之兵

扶下夫音

同則勝不勝無常代翕代張代存代亡相為雌雄耳夫

是謂之盜兵君子不由也孝成王臨武君曰善請問為

將

將即亮翻

荀卿曰知莫大於棄疑

楊倞曰不用疑謀此智之大知讀曰智

行

莫大於無過

行下孟翻

事莫大於無悔事至無悔而止矣不

可必也

言不可自以為必勝

故制號政令欲嚴以威慶賞刑罰欲

必以信處舍收藏欲周以固

楊倞曰處舍營壘也收藏財物也周密嚴固則敵不

得而陵奪也
處昌呂翻

徒舉進退欲安以重欲疾以速窺敵觀變

欲潛以深欲伍以參

楊倞曰謂使間諜觀敵欲潛隱深入之也伍參猶錯雜也使間諜或

參之或伍之于敵之間而盡知其事韓子曰省同異之言以知朋黨之分偶參伍之驗以責陳言之實又曰參

之以比物伍之以合參

遇敵決戰必行吾所明無行吾所疑夫是

之謂六術無欲將而惡廢

言欲為將而惡失權則舍已之勝筭遷就以逢君之欲矣

將即亮翻

無怠勝而忘敗無威內而輕外無見其利而不顧

其害凡慮事欲熟而用財欲泰夫是之謂五權

扶夫音

將

所以不受命於主有三可殺而不可使處不完可殺而

不可使擊不勝可殺而不可使欺百姓夫是之謂三至

楊倞曰至謂守一而不變處昌呂翻

凡受命於主而行三軍三軍既定百

官得序

楊倞曰百官軍之百吏也

羣物皆正則主不能喜敵不能怒

夫是謂之至臣慮必先事而申之以敬慎終如始始終

如一夫是之謂大吉

楊倞曰言必無覆敗之禍

凡百事之成也必在

敬之其敗也必在慢之故敬勝怠則吉怠勝敬則滅計

勝欲則從欲勝計則凶戰如守行如戰有功如幸敬謀

無曠敬事無曠敬吏無曠敬衆無曠敬敵無曠夫是之

謂五無曠

曠廢也夫音扶

慎行此六術五權三至而處之以恭

敬無曠夫是之謂天下之將則通於神明矣臨武君曰

善請問王者之軍制荀卿曰將死鼓

將即亮翻將建旗伐鼓以令三軍之

進退死不離局離力智翻

御死轡百吏死職上大夫死行列

行戶剛翻聞

鼓聲而進聞金聲而退順命為上有功次之令不進而

進猶令不退而退也

正令力翻

其罪惟均不殺老弱不獵禾

稼服者不禽格者不赦奔命者不獲

楊倞曰服謂不戰而退者不追禽之

格謂相拒捍者奔命謂奔走未歸其命不獲之以為囚俘

凡誅非誅其百姓也誅其

亂百姓者也百姓有捍其賊則是亦賊也以其順办者

生係办者死奔命者貢

楊倞曰係向也謂係向格闕者貢謂取歸命者獻於上將也係

音微子開封於宋

殷紂暴虐微子奔周武王殺紂封微子於宋微子本名啟此云開者蓋漢

景帝諱劉向改之也

曹觸龍斷於軍

楊倞曰說苑云桀為天子其臣有左師觸龍者諂諛不正

此云紂當是說苑誤案戰國時趙亦有左師觸龍豈姓名同乎姓譜曹姓本自顓頊元孫陸終之子六安周武

王封曹挾於邾故邾曹姓也至魏武帝始祖曹叔振鐸

商之服民所以養生之者

無異周人故近者訶謳而樂之遠者竭蹶而趨之

以上下文

觀之商周二字恐或倒置楊倞曰竭蹶顛仆猶言匍匐也樂音洛蹶居月翻

無幽閒辟陋之

國莫不趨使而安樂之

閒讀曰閒
辟讀曰僻

四海之內若一家通

達之屬莫不從服夫是之謂人師

扶夫音

詩曰自西自東

自南自北無思不服此之謂也

引文王有聲
之詩而言

王者有誅

而無戰城守不攻兵格不擊敵上下相喜則慶之不屠

城不潛軍不留衆師不越時故亂者樂其政不安其上

欲其至也

亂國之民樂吾之政故不安其上
惟欲吾兵之至也樂音洛

臨武君曰善

陳鶯問荀卿曰

鶯虛驕翻
又牛刀翻

先生議兵常以仁義為本仁

者愛人義者循理然則又何以兵為凡所為有兵者為

爭奪也

偽翻 為爭于

荀卿曰非汝所知也彼仁者愛人愛人

故惡人之害之也義者循理循理故惡人之亂之也惡烏

翻路

彼兵者所以禁暴除害也非爭奪也 燕孝王薨子

喜立

周民東亡

義不為秦民也

秦人取其寶器遷西周公於

惡狐之聚

此西周文公也武公之子也自赧王時東西

惡狐聚括

地志汝州外古梁城即惡狐聚也陽人故城

即陽人聚也在汝州梁縣西四十里秦遷東周所居也

梁亦古梁城也在汝州梁縣西南十五里索隱曰惡狐

聚與陽人聚在洛陽南北五十里梁新城之間也惡與

憚同聚賢

楚王遷魯於莒而取其地

魯至是而亡莒居許翻

曰慈諭翻

五十三年摎伐魏取吳城

後漢志河東郡大陽縣有吳山山上有虞城杜預曰虞國

也帝王世紀曰舜妃嬪于虞虞城是也亦謂吳城秦昭王伐魏取吳城是也摎紀虬翻

韓王入朝

魏舉國聽令

朝直遙翻令力政翻

五十四年王郊見上帝於雍

班志雍縣屬扶風秦惠公都之有五時故於此郊見

上帝欲行天子之禮也應劭曰四方積高曰雍凡下見上之見音賢遍翻雍於用翻時音止

楚遷於鉅陽

報王三十七年楚自郢東北徙於陳今自陳徙鉅陽至始皇六年春申君以朱英之

言自陳徙壽春則此時雖徙鉅陽未離陳地也報奴版翻郢以井翻離力智翻

五十五年衛懷君朝於魏魏人執而殺之更立其弟是

為元君

更工衡翻

元君魏壻也

壻女夫妻謂夫亦曰壻旁從女或從士思繼翻

五十六年秋王薨孝文王立尊唐八子為唐太后

薨呼肱翻七子

八子秦宮中女官名

以子楚為太子趙人奉子楚妻子歸之韓王衰

經入弔祠

賢曰喪服斬衰裳上曰衰下曰裳麻在首要皆曰經首經象緇布冠要經象大帶經之言

實衰之言摧明中實摧痛也衰七雷翻

燕王喜使栗腹約歡於趙

姓譜栗姓栗陸

氏之後燕因肩翻

以五百金為趙王酒反而言於燕王曰趙壯

者皆死長平

長平之敗事見上卷周赧王五十五年

其孤未壯可伐也王

召昌國君樂閒問之對曰趙四戰之國

言其四境皆鄰于彊敵四面拒

戰也其民習兵不可王曰吾以五而伐一對曰不可王怒

羣臣皆以為可乃發二千乘粟腹將而攻郢

乘繩證翻
郢呼各翻

卿秦攻代

姓譜卿姓也

將渠曰與人通關約交以五百金飲

人之王

姓譜將亦姓也音
即良翻飲於禁翻

使者報而攻之不祥師必無

功

使疏吏翻

王不聽自將偏軍隨之將渠引王之綬王以足

蹴之

蹴子六翻蹋也綬音受

將渠泣曰臣非自為為王也

為于偽翻燕

師至宋子

班志宋子縣屬鉅鹿郡

趙廉頗為將逆擊之敗栗腹於

郢敗卿秦樂乘於代

將即亮翻樂乘趙將也戰國策曰
樂乘敗卿秦于代當從之敗補邁

翻

追北五百餘里遂圍燕

燕都薊趙人進圍之

燕人請和趙人曰

必令將渠處和

處昌呂翻處和者主和也

燕王使將渠為相而處和

趙師乃解去

相息亮翻

趙平原君卒

卒子恤翻

孝文王

索隱曰名柱謚法五宗安之曰孝慈惠愛民曰文

元年冬十月己亥王即位三日薨子楚立是為莊襄王

尊華陽夫人為華陽太后夏姬為夏太后

姓譖周封夏后氏于杞非

為後不得封者以夏為氏一曰陳夏徵舒之後夏姬生莊襄王故尊為太后華戶化翻夏戶雅翻

燕

將攻齊聊城拔之

聊城在濟水之北班志聊城縣屬東郡

或譖之燕王燕

將保聊城不敢歸齊田單攻之歲餘不下魯仲連乃為

書約之矢以射城中

燕因肩翻將即亮翻約之矢謂以書圍繞束縛于矢也射而亦翻

遺燕將為陳利害

遺于季翻為于偽翻

曰為公計者不歸燕則歸

齊今獨守孤城齊兵日益而燕救不至將何為乎燕將

見書泣三日猶豫不能自決欲歸燕已有隙欲降齊所

殺虜於齊甚衆恐已降而後見辱喟然歎曰與人刃我

寧我自刃遂自殺

降戶江翻喟丘貴翻言與其使人聊加刃於我寧使我拔刃而自殺也

地亂田單克聊城

用大師曰克

歸言魯仲連於齊欲爵之仲

連逃之海上曰吾與富貴而詘於人詘曲勿翻禮記不充詘于富貴詘者

喜失節貌子謂此詘即屈伸之屈

寧貧賤而輕世肆志焉魏安釐王問

天下之高士於子順

釐讀曰僖

子順曰世無其人也抑可以

為次其魯仲連乎王曰魯仲連彊作之者

彊其兩翻

非體自

然也子順曰人皆作之作之不止乃成君子作之不變

習與體成則自然也

朱熹曰君子成德之名

莊襄王

本名異人改名楚孝文王之
中子也謚法勝敵制彊曰莊

元年呂不韋為相國

相息亮翻

東周君與諸侯謀伐秦王

使相國帥師討滅之遷東周君於陽人聚

帥讀曰率聚慈喻翻

周

既不祀

皇甫謐曰周凡三十七王八百六十七年周有天下祀后稷以配天宗祀文王於明堂以配上

帝宗廟血食八百六十餘年西周已亡猶幸東周能守其祀東周又為秦所滅則盡不祀矣索隱曰既盡也日食盡曰既言周祚

周比亡

比必寐翻及也

凡有七邑河南洛陽

盡滅無主祭祀

穀城平陰偃師鞏緱氏

班志河南縣故郟鄏地周武王遷九鼎周公營以為都是為王

城平王居之洛陽周公遷殷民於此是為成周師古曰穀城即今新安應劭曰平陰在平城北故曰平陰班志河南郡之平縣即平城也括地志曰故穀城在洛州河南縣西北十八里苑中河陰縣城本漢平陰縣在洛州洛陽縣東北五十里十三州志曰在平津大河之南魏文帝改曰河陰劉昭曰偃師帝嚳所都盤庚復南毫是

為西亳鞏古鞏伯國周之東周公所居緱氏周大夫劉子邑宋白曰緱氏春秋之滑國已上七邑漢皆屬河南郡緱工侯翻邾音夾鄆音辱

以河南洛陽十萬戶封相國不韋為

文信侯

相息亮翻

蒙騫伐韓

騫五到翻又五刀翻

取成臯滎陽

班志滎陽

縣屬河南郡滎澤在其南唐屬鄭州

初置三川郡

楚滅魯遷魯頃公於

卞

春秋夫人姜氏會齊侯于卞即其地班志卞縣屬魯郡頃音傾

為家人

家人猶今所謂齊民也

二年日有食之

蒙騫伐趙取榆次狼孟等三十七城

班志榆次狼孟二縣並屬太原郡榆次即左傳涂水梗陽之地括地志狼孟故城在并州陽曲縣東北二十六里

楚春申君言於楚王曰淮北地邊於齊其事急請

以為郡而封於江東楚王許之春申君因城吳故墟以

為都邑

吳都姑蘇越王句踐滅吳王夫差而吳為墟班志吳縣太伯所邑漢為會稽郡治所句音鉤踐

慈演

宮室極盛

春申君相楚楚正弱秦正彊不能為國謀乃營其都而盛宮室何足道也孔穎

達曰爾雅云室謂之宮宮謂之室別而言之論其四面穹隆則曰宮因其貯物則曰室室之言實也

三年王齮攻上黨諸城悉拔之初置太原郡

齮恨

蒙

驚帥師伐魏取高都汲

班志高都縣屬上黨郡汲縣屬河內郡括地志高都縣今澤州

也汲故城在衛州所理汲縣之西南三十五里帥讀曰率

魏師數敗

數所

魏王患之

乃使人請信陵君於趙信陵君畏得罪不肯還

信陵君留趙事

見上卷周赧王五十八年還
從宣翻又音如字報奴版翻

誠門下曰

誠居拜翻敕也

有敢為

魏使通者死

為于偽翻使疏吏翻

賓客莫敢諫毛公薛公見信陵

君曰公子所以重於諸侯者徒以有魏也

康曰重直用切余按文義

當音輕重之重

今魏急而公子不恤一旦秦人克大梁夷先王

之宗廟公子當何面目立天下乎語未卒信陵君色變

趣駕還魏

卒子恤翻趣讀曰促催也

魏王持信陵君而泣以為上將

軍信陵君使人求援於諸侯諸侯聞信陵君復為魏將

將即亮翻

皆遣兵救魏信陵君率五國之師敗蒙驁於河外

自春秋至戰國率以黃河之西為河外晉賂秦以河外列城五即其證也驚五到翻敗補遺翻蒙驚遁

走信陵君追至函谷關抑之而還安陵人縮高之子仕

于秦

後漢志汝南郡征羗縣有安陵亭注云即魏安陵君所封地枯地志曰陽陵縣西北十五里李奇云

六國時為安陵還從宣翻又音如字縮所六翻秦使之守管

班志河南郡中牟縣有管叔邑後漢

志中牟縣有管城杜預曰管國也在京縣東北

信陵君攻之不下使人謂安陵

君曰君其遣縮高吾將仕之以五大夫使為執節尉

信陵

君使安陵君遣縮高欲使安陵以君諭其民以父諭其子也軍尉之執節者也周執節以使漢執節則使且可

以專殺矣安陵君曰安陵小國也不能必使其民使者自往

請之使吏導使者至縮高之所使者致信陵君之命縮

高曰君之幸高也將使高攻管也夫父攻子守人之笑

也見臣而下是倍主也父教子倍亦非君之所喜

夫音扶倍

蒲妹翻喜許既翻

敢再拜辭使者以報信陵君信陵君大怒遣

使之安陵君所曰安陵之地亦猶魏也

使疏吏翻之如也往也安陵本

魏地魏襄王以封其弟

今吾攻管而不下則秦兵及我社稷必危

矣願君生東縮高而致之若君弗致無忌將發十萬之

師以造安陵之城下

造七到翻

安陵君曰我先君成侯受詔

襄王以守此城也手授太府之憲

太府魏國藏同籍之府憲法也

憲之

上篇曰臣弑君子弑父有常不赦

有常謂有常法也

國雖大赦

降城亡子不得與焉

降戶江翻與讀曰預

今縮高辭大位以全父

子之義而君曰必生致之是使我負襄王之詔而廢太

府之憲也雖死終不敢行縮高聞之曰信陵君為人悍

猛而自用此辭反必為國禍

謂為安陵之禍也悍下罕翻又音汗

吾已全

已無違人臣之義矣豈可使吾君有魏患乎乃之使者

之舍刎頸而死信陵君聞之縞素辟舍

刎扶粉翻頸居郢翻縞古老翻

爾雅曰縞皓也辟讀曰避

使使者謝安陵君曰無忌小人也困於思

慮失言於君請再拜辭罪

安陵受封於魏國者也縮高受壓於安陵者也縮高之子

不為魏民逃歸秦而臣於秦為秦守管時秦加兵於魏欲取大梁安陵僮念魏為宗國縮高僮念其先為魏民見魏之危安敢坐視而不救公子無忌為魏舉師以臨之安陵君則陳太府之憲縮高則陳大臣之義以拒之雖死不避反而求之可謂得其死乎無忌為之縞素辟舍以謝安陵吾亦未知其何所處也

王使人

行萬金於魏以間信陵君求得晉鄙客

信陵君殺晉鄙事見上卷周赧

王五十六年

令說魏王曰公子亡在外十年矣今復為

將諸侯皆屬天下徒聞信陵君而不聞魏王矣

令力丁翻說式

芮翻將
即亮翻

王又數使人賀信陵君得為魏王未也

數所

魏

王日聞其毀不能不信乃使人代信陵君將兵信陵君

自知再以毀廢乃謝病不朝日夜以酒色自娛凡四歲

而卒

朝直遙翻
卒子恤翻

韓王往弔其子榮之以告子順子順曰

必辭之以禮鄰國君弔君為之主

鄭玄曰君為之主弔
臣思為己也子不敢

當主中庭北面哭不拜記曰昔者衛靈公適魯遭季桓
子之喪衛君請弔哀公辭不得命公為主客入弔公揖
讓升自東階西鄉客升
自西階弔公拜興哭今君不命子則子無所受韓君

也其子辭之

五月丙午王薨

薨呼
肱翻

太子政立生十三

年矣國事皆決於文信侯號稱仲父

呂不韋封文信侯仲父以齊桓禮管

仲禮

晉陽反

是年秦攻得晉陽置太原郡未久而秦有莊襄王之喪故反

始皇帝上

諱政莊襄王子也王并天下自以德兼三皇功過五帝故自號曰皇帝欲傳世

以一至萬乃除謚法號始皇帝

元年蒙驁擊定之

擊定晉陽也驚五到翻

韓欲疲秦人使無東

伐乃使水工鄭國為間於秦鑿涇水自仲山為渠

間古覓翻

班志涇水出安定郡涇陽縣西開頭山東至馮翊陽陵縣入渭過郡三行千六十里淮南子曰涇水出薄落之山華戎對境圖涇水上接蔚茹水南流至筭頭山西折而東流逕原州涇州界又東流逕邠州乾州之北又東

南流至雍州涇陽縣而合于渭師古曰仲山即今九夔之東仲山也升輕煙翻蔚紆勿翻筭古兮翻雍於用翻

夔祖紅翻

並北山東注洛

並步浪翻師古曰洛水即馮翊漆沮水程大昌曰禹貢止有漆沮秦

漢以來始有洛水所謂洛者班志云源出北地歸德縣北蠻夷中今按其水自入塞後歷廊坊同三州始入渭孔安國謂自馮翊懷德縣入渭是也漢懷德唐同州朝邑縣是也漆水自華原縣東北同官縣界來沮水自郿州東北來洛在漆沮之東至同州白水縣與漆沮合所謂洛即漆沮者言其本同也沮七余翻廊音膚郿彼中

翻

中作而覺

師古曰中作謂用功中道事未竟也覺露也韓之謀露也

秦人欲殺之

鄭國曰臣為韓延數年之命然渠成亦秦萬世之利也

乃使卒為之

臣為于偽翻卒子恤翻終也

注填關之水溉烏鹵之地

四萬餘頃收皆畝一鍾

師古曰注引也填闕謂壅泥也言引於濁之水灌鹹鹵之田更

今肥美故一畝之收至六斛四斗杜佑曰古者百步為畝秦漢以降即二百四十步為畝闕讀曰淤音於據翻

烏與濁同音思積翻鹵也鹵亦作渇音郎古翻鹹鹵

關中由是益富饒

饒有餘裕也

二年庶公將卒攻卷

索隱曰庶邑名庶公史失其姓名庶悲驕翻將即亮翻又音如字卷

達員翻邑名

斬首三萬

趙以廉頗為假相國伐魏取繁陽

班志繁陽縣屬魏郡應邵曰在繁水之陽括地志繁陽故城在相州內黃縣東北二十七里相息亮翻

趙

孝成王薨子悼襄王立使武襄君樂乘代廉頗廉頗怒

攻武襄君武襄君走廉頗出犇魏久之魏不能信用趙

師數困於秦趙王思復得廉頗廉頗亦思復用於趙趙

王使使者視廉頗尚可用否廉頗之仇郭開多與使者

金令毀之廉頗見使者一飯斗米肉十斤被甲上馬以

示可用使者還報曰廉將軍雖老尚善飯然與臣坐頃

之三遺矢矣數所角翻復扶用翻使使疏吏翻今趙王

以為老遂不召郭開之間廉頗以其仇也其讒殺李牧則好貨耳讒人罔極其禍國可勝言哉

間古覓翻好呼到翻勝音升楚人陰使迎之廉頗一為楚將無功曰

我思用趙人卒死于壽春將即亮翻壽春縣漢屬九江郡唐為壽州治所始皇六年

楚方徙都壽春史終言
庶頗之事也卒子恤翻。

三年大饑

五穀皆不熟為大饑

蒙驚伐韓取十二城

驚五到翻

趙

王以李牧為將伐燕取武遂方城

班志武遂縣屬河間國方城縣屬廣陽國

後漢志作方城括地志易州遂城縣戰國時武遂城也方城故城在幽州固安縣南十七里將即亮翻燕因肩

翻

李牧者趙之北邊良將也嘗居代雁門備匈奴

秦置雁門

郡在代郡西南匈奴淳維之後本夏后氏之苗裔索隱曰張晏云淳維以殷時奔北邊又樂彥括地譜曰夏桀無道湯放之鳴條三年而死其子獯粥妻桀之衆妾避居北野隨畜移徙中國謂之匈奴其言夏后苗裔或當然也故應劭風俗通曰殷時曰獯粥改曰匈奴又晉灼云堯時曰葷粥周曰獫狁秦曰匈奴韋昭曰漢曰匈奴

常粥其別名則淳維是其始祖蓋與獯粥是一也獯許云翻粥音育獯虛檢翻

以便宜置吏市

租皆輸入莫府為士卒費

康曰師出無常處所在張幕居之以將帥得稱府故曰莫

府莫與幕同一曰莫

日擊數牛饗士習騎射

孔穎達曰古人不騎

大也莫府猶言大府

馬故但經記正典無言騎者今言騎者當是周末時射

之所起起自黃帝故易繫辭黃帝下九事章云古者弦

木為弧剡木為矢弧矢之利以戒天下又世本云揮作

弓夷牟作矢註云揮夷牟黃帝臣是弓矢起於黃帝矣

驥奇寄翻下

謹烽火多間諜

塞上置候望之地邊有警則舉烽火音義烽火如覆

同刻以冉翻

朱冀縣著桔槔頭有寇則舉之燧積薪有寇則燔然之

索隱曰字林冀澠米藪也音一六翻纂要冀漸冀也烽火

見敵則舉燧有難則焚烽火主晝燧主夜間諜者使之間

行以伺敵觀其變動也間古覓翻諜達協翻著直畧翻

枯古屑翻棹音臯澆音鹿漸
音析難乃旦翻伺相吏翻

為約曰匈奴即入盜急入

收保

收畜產而自保也

有敢捕虜者斬匈奴每入烽火謹輒入

收保不戰如是數歲亦不亡失匈奴皆以為怯雖趙邊

兵亦以為吾將怯

將即亮翻

趙王讓之

讓責也

李牧如故王怒

使佗人代之歲餘屢出戰不利多失亡邊不得田畜

說文

畜許竹翻養也史記正義許又翻又音蓄聚也

王復請李牧

復扶又翻

李牧杜門稱

病不出王彊起之

杜門塞門以拒絕來者彊其兩翻

李牧曰必欲用臣

如前乃敢奉令王許之李牧至邊如約匈奴數歲無所

得終以為怯邊士日得賞賜而不用

言屢賞而不用之以戰也

皆願

一戰於是乃具選車得千三百乘選騎得萬三千匹

車騎

皆選其堅良者乘

百金之士五萬人

管子曰能禽敵殺將者賞百金將即

繩證翻騎奇寄翻

亮穀者十萬人

穀古候翻張弓也索隱曰穀謂能射者也

悉勒習戰大縱畜

牧人民滿野匈奴小入佯壯不勝以數十人委之

委弃也委

之於敵也

單于聞之

單于匈奴首領之稱班書曰單于者廣大之貌言其象天單于然也

佯音羊

單音蟬稱處陵翻

大率衆來入李牧多為奇陳

陳讀曰陣

張左右翼

擊之大破之殺匈奴十餘萬騎滅檐檻

如淳曰檐檻胡名在代地班書

作澹林檐都甘翻檻
路談翻類篇盧甘翻

破東胡

東胡其後為鮮卑烏丸服
度曰在匈奴東故曰東胡

降林胡

如淳以澹林為東胡以此
觀之似是兩種降戶江翻

單于奔走十餘歲不

敢近趙邊

近其
斬翻

先是天下冠帶之國七而三國邊於戎

狄

先悉
薦翻

秦自隴以西有縣諸緄戎翟獯之戎

班志縣諸
道屬天水

郡西漢之制縣有蠻夷曰道括地志縣諸城在秦州秦
嶺縣北五十六里唐貞觀十七年省秦嶺入清水縣韋
昭曰緄戎春秋以為犬戎師古曰緄云夷也史記正義
曰緄音昆字當作混余謂昆戎即周之昆夷翟與狄同
班志隴西郡有狄道師古曰其地有狄種故曰狄道天
水郡有獯道應劭曰獯戎邑也狄道晉置武始郡括地
志獯道故城在渭州襄武縣
東南三十七里獯戶官翻

岐梁涇漆之北有義渠大

荔烏氏胸衍之戎

班志岐山在扶風美陽縣西北師古曰此漆水在馮翊夏陽縣西北

在新平後漢志扶風漆縣有漆水晉分扶風置新平郡

治漆縣班志義渠道屬北地郡括地志唐寧慶二州地

又班志馮翊臨晉縣古大荔城括地志同州馮翊縣及

朝邑縣本漢臨晉地今朝邑縣東三十步故王城即大

荔王城也宋白曰同州馮翊縣古大荔城在今州東三

十七里朝邑縣界故王城是也荔力計翻班志安定郡

有烏氏縣括地志烏氏故城在涇州安定縣東三十里

周之故地後入戎秦惠王取之置烏氏縣氏音支班志

壯地郡有胸衍縣括地志鹽州古戎狄居之即胸衍

戎之地應劭曰胸音煦師古音香于翻康求于翻非而

趙北有林胡樓煩之戎燕北有東胡山戎

自漢北平無終白狼以北

皆大山重谷諸戎居之春秋謂之山戎

各分散居谿谷自有君長徃徃而

聚者百有餘戎然莫能相一其後義渠築城郭以自守而秦稍蠶食之至惠王遂拔義渠二十五城昭王之時

宣太后誘義渠王殺諸甘泉

甘泉在漢馮翊雲陽縣漢起甘泉宮於此誘羊久翻

遂發兵伐義渠滅之始於隴西北地上郡

隴西唐渭州洮州河州之

地北地唐慶州寧州鄜州靈州鹽州之地上郡唐延州綏州銀州之地

築長城以拒胡趙

武靈王北破林胡樓煩築長城自代並陰山下至高關

為塞

徐廣曰五原郡西安陽縣北有陰山陰山在河南陽山在河北鄴道元曰余按南河北河及安陽縣

以南悉沙阜耳無他異山故廣志云朔方郡移沙七所而無山以擬之是議志之僻也陰山在河東南斯可矣

漢郎中侯應曰陰山東西千餘里單于之苑囿也孝武
出師攘之于漠北匈奴過之未嘗不哭則此山蓋在沙
漠之南也括地志陰山在朔州北塞外突厥界杜佑曰
今安北府北山是也安北府治中受降城地志朔方郡
臨戎縣北有連山險於長城其山中斷兩峰俱峻名曰
高闕水經注河水自窳渾縣東屈而東流逕高闕南闕
口有城跨山結局謂之高闕戍劉昫曰高闕北拒大磧
口三百里杜佑曰高闕當在豐州河西厥九勿翻降戶
江翻窳以主翻渾

戶昆翻磧七迹翻

而置雲中雁門代郡

史記正義曰雲中故城趙雲中

城秦雲中郡在勝州榆林縣東北四十里秦漢之雁門
代郡皆在句注陁之北唐之雲翔蔚新武州即其地也
若唐之代州雁門郡惟崞繁峙二縣漢雁門郡之舊縣
其雁門縣則漢太原郡之廣武縣也五臺則漢太原之
慮虜縣也句音鉤陁音刑蔚紆勿翻
崞音郭時音止師古曰慮虜音廬夷

其後燕將秦開為

質于胡

姓譜秦本顓頊後子嬰既滅支庶為秦氏余按左傳魯有秦堇父秦姓其來尚矣燕因肩翻將

即亮翻質音致父音甫堇几隱翻

胡甚信之歸而襲破東胡東胡却干

餘里燕亦築長城自造陽至襄平

韋昭曰造陽地名在上谷余按漢書所謂

上谷之斗造陽是也杜佑曰晉太康地志自北地郡北行九百里得五原塞又北出九百里得造陽即麟州銀城縣史記燕築長城自造陽至襄平韋昭曰造陽地在上谷未詳孰是史記正義曰上谷今媯州王隱地道志曰郡在谷之頭故以上谷名焉班志襄平縣遼東郡治所燕因肩翻媯居為翻置上谷漁陽右

北平遼東郡以拒胡

漁陽唐薊州檀州北平唐平州遼東其地在大遼水之東唐嘗置遼

州又嘗為安東都護府治所

及戰國之末而匈奴始大

四年春蒙騫伐魏取暘有詭

暘徐廣音場索隱音暢類篇又直亮翻仲郎翻

三

月軍罷

秦質子歸自趙趙太子出歸國

質音致

七月

蝗疫

蝗子始生曰蟪翅成而飛曰蝗以食苗為災疫札瘥瘟也

令百姓納粟千石拜

爵一級

魏安釐王薨子景湣王立

釐讀曰僖湣讀曰閔

五年蒙騫伐魏取酸棗燕虛長平雍丘山陽等二十城

驚五到翻括地志酸棗故城在滑州酸棗縣北十五里

索隱曰燕虛二邑名春秋桓十二年會于虛赧王四十

二年黃歇說秦王曰拔酸棗虛桃按今東郡燕縣東三

十里有桃城虛蓋與桃相近括地志南燕城古燕國滑

州胙城縣是也桃虛在濮州雷澤縣東十三里燕烏田

翻虛如字班志長平縣屬汝南郡括地志在陳州宛丘

縣西六十六里班志雍邱縣屬陳留郡故杞國也雍於用翻史記正義曰地理志河內郡有山陽縣余考之上

下文此非河內之山陽蓋班志山陽郡之地

初置東郡

初劇辛在趙與龐

煖善

煖音許遠翻又許元翻報奴版翻

已而仕燕燕

王見趙數困於秦廉頗去而龐煖為將欲因其敝而攻

之問於劇辛對曰龐煖易與耳

數所角翻將即亮翻易弋鼓翻

燕王使

劇辛將而伐趙趙龐煖禦之殺劇辛取燕師二萬諸

侯患秦攻伐無已時

以發明年合從伐秦事從子容翻

六年楚趙魏韓衛合從以伐秦楚王為從長

從子容翻長知兩翻

春申君用事取壽陵

徐廣曰壽陵在常山史記正義曰本趙邑也余據五國攻秦取壽陵

至函谷則壽陵不在新安宜陽之間當在河東郡界常山無乃太遠

至函谷秦師出五國

之師皆敗走楚王以咎春申君春申君以此益疎觀津

人朱英謂春申君曰

史記正義曰觀音館今魏州觀城縣余按班志觀津縣屬信都國又

按隋志魏州之觀城舊曰衛國開皇六年始更名信都國則隋冀州也開皇六年置武邑縣并得觀津縣地則觀津猶屬信都也正義誤矣觀古玩翻人皆以楚為彊君用之而弱其於

英不然先君時秦善楚二十年而不攻楚何也秦踰

阨之塞而攻楚不便

劉昭曰江夏郡鄢縣古冥阨之塞也史記正義曰阨阨之塞在申州

張守節曰中州羅山縣本漢鄆縣平靖關蓋鄆縣之阨
塞括地志曰石城山在申州羅山縣東南二十一里古
冥阨塞龜音盲康彌充切
非也阨音厄又於賣翻 假道於兩周背韓魏而攻楚

不可

背蒲妹翻

今則不然魏旦暮亡不能愛許鄆陵

鄆於懷翻

魏

割以與秦秦兵去陳百六十里臣之所觀者見秦楚之

日鬪也楚于是去陳徙壽春命曰郢

郢以井翻

春申君就封

於吳行相事

相息亮翻

秦拔魏朝歌

朝歌紂都衛康叔所封也

班志朝歌縣屬

河內

及衛濮陽衛元君率其支屬徙居野王

班志野王縣屬河內

郡濮博

阻其山以保魏之河內

七年伐魏取汲

夏太后薨

即夏姬也夏戶推翻薨呼肱翻

蒙驚卒

驚五到翻
卒子恆翻

八年魏與趙鄴

韓桓惠王薨子安立

九年伐魏取垣蒲

蒲晉公子重耳所居邑也班志蒲子與垣縣皆屬河東郡括地志故垣城

漢縣治本魏地王垣在絳州垣縣西北二十里蒲故城在隰州蒲縣北四十五里垣干元翻重直龍翻

夏四月寒民有凍死者

王宿雍

雍於用翻

己酉王冠

冠古

喚翻帶劔

楊端和伐魏

姓譜周宣王子尚父幽王邑諸楊號曰楊戾後并於晉因以為

氏又晉大夫楊食我食采於楊氏子孫以邑為氏楊食音嗣采倉代翻

取衍氏

史記正義曰衍氏在

鄭州衍
羊善翻

初王即位年少

少始照翻

太后時與文信侯私通

王益壯文信侯恐事覺禍及已乃詐以舍人嫪毐為宦

者進於太后

師古曰嫪居糾翻許慎郎到翻康盧道切毐烏改翻

太后幸之生二

子封毐為長信侯以太原為毐國政事皆決於毐客求

為毐舍人者甚衆王左右有與毐爭言者告毐實非宦

者王下吏治毐

下遐稼翻治直之翻

毐懼矯王御璽發兵欲攻斬

年宮

班志斬年宮秦惠公所起在雍拈地志在岐州城西故城內斬巨依翻

為亂

句

王使

相國昌平君昌文君發卒攻毐

相息亮翻

戰咸陽斬首數百

毒敗走獲之秋九月夷毒三族

秦有夷三族之罪張晏曰三族父母兄弟妻子

也如淳曰父族母族妻族也師古曰如說是所謂參夷之誅也

黨與皆車裂滅宗舍人

罪輕者徙蜀凡四千餘家遷太后於雍

賁陽宮秦文王

所起水經註甘水出南山甘谷北逕秦文王賁陽宮西又北逕五柞宮東又北逕甘亭西後漢志甘亭在扶風

鄠縣賁音倍

殺其二子下令曰敢以太后事諫者戮而殺之

斷其四支積於闕下死者二十七人

斷丁管翻

齊客茅焦上

謁請諫

姓譜周公之子封于茅其後以國為氏又有茅戎邾大夫有茅地茅夷鴻謁猶今之刺也上謁

者通名而求見也上時掌翻

王使謂之曰若不見夫積闕下者邪

若汝

也夫音扶

對曰臣聞天有二十八宿

二十八宿角亢氐房心尾箕斗牛女虛危室壁

奎婁胃昂畢觜參井鬼柳星張翼軫天之經星也日月五星之行躔次所舍故謂之宿宿音秀亢音剛觜即移

翻參疏

今死者二十七人臣之來固欲滿其數耳臣非

畏死者也使者走入白之

使疏吏翻

茅焦邑子同食者盡負

其衣物而逃

邑子同邑之少年也

王大怒曰是人也故來犯吾趣

召鑊烹之

趣讀曰促鑊胡郭翻吳人謂之鍋

是安得積闕下哉王按劍

而坐口正沫出

沫莫曷翻涎也

使者召之入茅焦徐行至前再

拜謁起稱曰臣聞有生者不諱死有國者不諱亡諱死

者不可以得生諱亡者不可以得存死生存亡聖主所

欲急聞也陛下欲聞之乎

蔡邕獨斷曰陛階陛也與天子言不敢指斥故稱陛下應

劭曰陛者升堂之陛王者必有執兵陳於階陛羣臣與至尊言不敢指斥故呼在陛下者以告之因卑以達尊之意若今稱殿下閣下之類斷丁亂翻王曰何謂也茅焦曰陛下有狂悖

之行

悖蒲妹翻又蒲沒翻行下孟翻下同

不自知邪

邪音耶

車裂假父

謂嫪毐

囊撲二弟

以囊盛其人撲而殺之撲弼角翻又普卜翻

遷母於雍殘戮諫士

桀紂之行不至於是矣今天下聞之盡瓦解無嚮秦者

臣竊為陛下危之

雍於用翻行下孟翻為于偽翻

臣言已矣乃解衣伏

質

質與鑽同職
日翻鐵樁也

王下殿手自接之曰先生起就衣今願

受事

受事者受所
教之事也

乃爵之上卿王自駕虛左方往迎太

后歸於咸陽復為母子如初 楚考烈王無子春申君

患之求婦人宜子者甚衆進之卒無子

卒子
恤翻

趙人李園

持其妹欲進諸楚王聞其不宜子恐久無寵乃求為春

申君舍人已而謁歸

謂謁告
而歸也

故失期而還

欲以發春申
君之問也還

從宣
翻

春申君問之李園曰齊王使人求臣之妹與其使

者飲故失期春申君曰聘入乎

謂已入聘幣否
也使疏吏翻

曰未也

春申君遂納之既而有娠

娠音身

李園使其妹說春申君

曰楚王貴幸君雖兄弟不如也今君相楚二十餘年而

王無子

周赧王五十三年楚以春申君為相至是二十餘年說式芮翻相息亮翻

即百歲後

將更立兄弟

人謂死後為百歲後

彼亦各貴其故所親君又安得

常保此寵乎非徒然也

言非但如此而已也

君貴用事久多失禮

於王之兄弟兄弟立禍且及身矣今妾有娠而人莫知

妾幸君未久誠以君之重進妾於王王必幸之妾賴天

而有男則是君之子為王也楚國盡可得孰與身臨不

測之禍哉春申君大然之乃出李園妹謹舍而言諸楚

王

謹舍者別為館舍以居之奉衛甚謹也

王召入幸之遂生男立為太子

李園妹為王后李園亦貴用事而恐春申君泄其語陰

養死士欲殺春申君以滅口國人頗有知之者楚王病

朱英謂春申君曰世有無望之福亦有無望之禍

史記正義

曰無望者不望而忽至

今君處無望之世

正義曰謂生死無常也處昌呂翻

事無

望之主

正義曰謂喜怒不節也

安可以無無望之人乎

正義曰謂吉凶忽為

春申君曰何謂無望之福曰君相楚二十餘年矣雖名

相國其實王也

相息亮翻

王今病旦暮薨薨而君相幼主因

而當國王長而反政不即遂南面稱孤

長知兩翻不讀曰否

此所

謂無望之福也何謂無望之禍曰李園不治國而君之

仇也

左傳曰怨耦曰仇蓋取此義治直之翻

不為兵而養死士之日久矣

王薨李園必先入據權而殺君以滅口此所謂無望之

禍也

薨呼肱翻

何謂無望之人曰君置臣郎中

班書百官表郎掌門戶出

充車騎有議郎中郎侍郎郎中韓信曰吾事項王官不過郎中位不過執戟蓋戰國時置此官

王薨李

園先入臣為君殺之此所謂無望之人也

為于偽翻

春申君

曰足下置之李園弱人也僕又善之且何至此朱英知

言不用懼而亡去後十七日楚王薨李園果先入伏死

士於棘門之內

史記正義曰棘門壽春城門名

春申君入死士俠刺之

俠讀曰夾蓋夾而刺之魏晉儀衛有俠轂隊亦曰夾轂隊刺七亦翻

投其首於棘門之外

于是使吏盡捕誅春申君之家太子立是為幽王

楊子法言曰或問信陵平原孟嘗春申益乎曰上失

其政姦臣竊國命何其益乎

王以文信侯奉先王功大

事見上卷周赧王五十八年

不忍誅

十年冬十月文信侯免相出就國

相息亮翻文信侯國於河南洛陽

宗

室大臣議曰諸侯人來仕者皆為其主遊間耳

謂遊說以間秦

之君臣為于偽

請一切逐之于是大索逐客

索山客翻

客卿

翻間古覓翻

楚人李斯亦在逐中行且上書曰昔穆公求士西取由

余於戎東得百里奚於宛迎蹇叔於宋求丕豹公孫支

於晉

上時掌翻史記戎王使由余使於秦穆公留由余而遺戎王以女樂戎王受而說之乃歸由余由余

諫戎王而不聽穆公使人要之由余遂去戎降秦穆公用其謀伐戎并國十二開地千里晉獻公滅虞虜其大夫百里奚以勝於秦百里奚亡秦走宛穆公贖之於楚授以國政奚薦其友蹇叔穆公使人厚幣迎之以為上

大夫晉惠公殺其大夫丕鄭其子豹奔秦穆公用之公孫支子桑也余使疏吏翻遺于季翻說讀為悅要一遙翻降戶江翻勝以并國二十遂霸西戎孝公用商鞅之證翻宛於元翻

法諸侯親服至今治彊惠王用張儀之計散六國之從使之事秦昭王得范雎彊公室杜私門

事並見前治直吏翻從子容翻

唯息隨翻

此四君者皆以客之功由此觀之客何負於秦哉

夫色樂珠玉不產於秦而王服御者衆

夫音扶色女色也

取人

則不然不問可否不論曲直非秦者去為客者逐是所重者在乎色樂珠玉而所輕者在乎人民也臣聞太山

不讓土壤故能成其大河海不擇細流故能就其深王者不却衆庶故能明其德此五帝三王之所以無敵也今乃弃黔首以資敵國

秦謂民為黔首黔其庶翻黧黑也

却賓客以業

諸侯所謂藉寇兵齎盜糧者也

藉慈夜翻假也借也齎子兮翻持遺也或為資

義亦通

王乃召李斯復其官除逐客之令李斯至驪邑而

還

班志京兆新豐縣秦之驪邑古驪戎國也驪山在其南漢高帝七年更名新豐驪呂支翻還從宣翻又音

如字更工衡翻

王卒用李斯之謀陰遣辯士齎金玉遊說諸侯

諸侯名士可下以財者厚遺結之不肖者利劍刺之離

其君臣之計然後使良將隨其後數年之中卒兼天下

卒子恤翻遺于季翻刺七
亦翻又七賜翻將即亮翻

十一年趙人伐燕取狸陽

史記正義曰按燕無狸陽疑狸字誤當作漁陽故城在檀

州密雲縣南十八里燕漁陽郡城也趙東界至瀛州則檀州在北趙攻燕取漁陽城也康從本字力之切余謂

康音是戰國策燕昭王攻齊陽城及狸竊意狸即狸陽也其地當在齊燕境上燕因肩翻兵未罷將

軍王翦桓齮楊端和伐趙

言伐燕之兵未罷而秦兵來伐也姓譜桓本自姜姓齊桓

公後因謚為氏余按齊桓之前有周桓王魯桓公晉有桓莊之族而以姓桓者為祖齊桓亦不通矣齮丘奇翻

又去倚翻攻鄴取九城王翦攻閼與轅陽

閼於曷翻與音預又音余

謚神至翻

徐廣曰轅音老在并州十三州志轅陽在上黨西北百
八十里蓋唐樂平郡地今之遼州也據十三州志轅當

音遼桓齒取鄴安陽鄴縣有安陽城曹魏置安陽縣屬魏郡趙悼襄王薨

薨呼嬰子幽繆王遷立繆靡幼翻其母倡也倡音昌妓女也嬖於悼襄

王嬖卑義翻又博計翻悼襄王廢嫡子嘉而立之遷素以無行聞

於國為遷亡趙張本行下孟翻文信侯就國歲餘諸侯賓客使者

相望於道請之使疏吏翻王恐其為變乃賜文信侯書曰君

何功於秦封君河南食十萬戶何親於秦號稱仲父其

與家屬徙處蜀處昌呂翻文信侯自知稍侵恐誅

十二年文信侯飲酖死

鵠鳥出南方噉蝮蛇以其羽畫酒中飲之立死酖直禁翻

竊

葬其舍人臨者皆逐遷之

臨良鵠翻哭也

且曰自今以來操國

事不道如嫪毐不韋者籍其門視此

操七刀翻嫪居蚪翻毒烏改翻

楊子法言曰或問呂不韋其智矣乎以人易貨曰誰

謂不韋智者歟以國易宗呂不韋之盜穿窬之雄乎

穿穿壁窬穿墻

窬音諭又音俞

穿窬也者吾見擔石矣

擔亦作儋齊人名小嬰為

儋音都濫翻石斗石也罌於耕翻

未見雒陽也

自六月不雨至于八月

發四郡兵助魏伐楚

發關東四郡兵

也

十三年桓齮伐趙敗趙將扈輒於平陽

齮丘奇翻又去倚翻敗補邁翻

將即亮翻扈夏有扈氏之後音戶輒陟涉翻後漢志魏

郡鄴縣有平陽城括地志平陽故城在相州臨漳縣西

二十五里史記正義曰平陽戰國時屬韓後屬趙若據

正義所云則以此平陽為河東之平陽非也當以後漢

志括地志志為正斬首十萬殺扈輒趙王以李牧為大將軍復戰

於宜安肥下

復扶又翻括地志宜安故城在常山藁城縣西南二十五里肥下即班志真定國之

肥藁縣春秋肥子之國括地志

肥藁故城在藁城縣西七里

秦師敗績

大崩曰桓齮

犇還趙封李牧為武安君

還從宣翻

欽定四庫全書

資治通鑑

十四年桓齮伐趙取宜安平陽武城

後漢志魏郡鄴縣有武城史記正義

曰即貝州武城縣外城是齮丘奇翻又去倚翻

韓王納地効璽請為藩臣使

韓非來聘

古者列國之於天子比年一小聘三年一大聘璽斯氏翻

韓非者韓之諸

公子也善刑名澹術之學

班志法家者流蓋出於理官信賞必罰以輔禮制龜錯為

申商刑名之學言人主不可不知術數張晏曰術數刑名之書也臣瓚曰術數謂法制治國之術也師古曰瓚說是也公孫宏曰擅殺生之力通雍塞之塗權輕重之數論得失之道使遠近情偽畢見於上謂之術與錯所言同澹古法字龜古朝字錯千故翻瓚藏早翻塞悉則翻見賢遍翻

見韓之削弱數以書

干韓王

數所角翻

王不能用於是韓非疾治國不務求人任

賢

治直
之翻

反舉浮淫之蠹而加之功實之上寬則寵名譽

之人急則用介冑之士所養非所用所用非所養悲庶
直不容於邪枉之臣觀往者得失之變作孤憤五蠹內

外儲說林說難五十六篇十餘萬言

自孤憤至說難皆
韓非子篇名索隱

曰孤憤者憤孤直不容於時也五蠹者蠹政之事有五
也內外儲者韓非子有內外儲說篇內儲者言明君執
術以制臣下制之在已故曰內也外儲者明君觀聽臣
下之言行以斷其賞罰賞罰在彼故曰外也說林廣說
諸事其多若林故曰說林也余謂說難者
言游說之難溫公楊子註說音稅難如字王聞其賢欲

見之非為韓使於秦因上書說王曰

為于偽翻使疏吏
翻上時掌翻說式

芮今秦地方數千里師名百萬號令賞罰天下不如臣

昧死願望見大王言所以破天下從之計大王誠聽臣

說一舉而天下之從不破從子容翻趙不舉韓不亡荆魏不

臣齊燕不親霸王之名不成四鄰諸侯不朝燕因肩翻朝直遙翻

大王斬臣以徇國以戒為王謀不忠者也王悅之未任

用李斯嫉之曰韓非韓之諸公子也今欲并諸侯非終

為韓不為秦此人情也為于偽翻今王不用久留而歸之此

自遺患也不如以法誅之王以為然下吏治非李斯使

人遺非藥令早自殺

下遺稼翻治直之翻
遺于季翻令力丁翻

韓非欲自陳

不得見王後悔使人赦之非已死矣

楊子法言曰或問韓非作說難之書而卒死乎說難

敢問何反也

知說之難而卒死于說是何其所行與
所言反也說式芮翻難如字卒子恤翻

曰說難蓋其所以死乎曰何也君子以禮動以義止

合則進否則退確乎不憂其不合也

確堅也言自
信之堅也夫

說人而憂其不合則亦無所不至矣或曰非憂說之

不合

夫音扶此非指
韓非子之名

非邪

此非是非之
非邪音耶

曰說不由道

憂也由道而不合非憂也

臣光曰臣聞君子親其親以及人之親愛其國以及人之國是以功大名美而享有百福也今非為秦畫

謀而首欲覆其宗國

謂欲亡韓

以售其言罪固不容於死

矣

言死猶有餘罪也

烏足愍哉

十五年王大興師伐趙一軍抵鄴一軍抵太原取狼孟

番吾遇李牧而還

番音婆又音盤還從宣翻又音如字秦軍畏李牧不敢戰而還趙之所恃

者李牧而卒殺之以速其亡

初燕太子丹嘗質于趙與王善

王之父異

人質於趙生
王於邯鄲

王即位丹為質於秦

質音致

王不禮焉丹怒

亡歸

為丹遣荆軻刺秦王張本

十六年韓獻南陽地

此漢南陽郡之地時秦楚韓分有之

九月發卒受地

於韓 魏人獻地

代地震自樂徐以西北至平陰

史記

正義曰樂徐在晉州平陰在汾州余謂上書代地震則樂徐平陰皆代地也烏得在晉汾二州界水經註徐水出代郡廣昌縣東南大嶺下東北流逕郎山入北平郡界意樂徐之地當在徐水左右又代郡平邑縣王莽曰平湖十三州志平湖城在高柳南百八十里水經註曰代郡道人縣城北有潭淵而不注俗謂之平湖平陰之地蓋在此湖之陰也樂意當音洛

臺屋牆垣大半壞地坼東西百三十

步毛晃曰四方而高曰臺垣于元翻圻圻格翻說文裂也

十七年內史勝滅韓

史記本紀作內史騰班書百官表內史周官秦因之掌治京師余按

秦內史兼治漢三輔之地始皇并天下置三十六郡內史其一也

虜韓王安以其地置

潁川郡

韓至是而亡潁川郡韓地也韓自平陽徙都河

以為陽翟縣為潁川郡治所

華陽太后薨

華戶化翻

趙大饑

衛元

君薨子角立

十八年王翦將上地兵下井陘

史記正義曰上郡上縣今綏州是也余謂上地

以其地在大河上游凡上郡抵西河之地皆是也應劭曰井陘在常山郡井陘縣西唐謂之上門將即亮翻又

音如字
陞音刑

端和將河內兵共伐趙

端和即楊端和此逸楊字

趙李牧司

馬尚禦之秦人多與趙王嬖臣郭開金

嬖卑義翻又博計翻

使毀

牧及尚言其欲反趙王使趙葱及齊將顏聚代之

姓譜顏姓

本自魯伯禽支庶有食采顏邑者因而著族又邾武公名夷字曰顏故公羊傳稱顏公後以為氏將即亮翻采

食代翻傳直應翻

李牧不受命趙人捕而殺之廢司馬尚

十九年王翦擊趙軍大破之殺趙葱顏聚亡遂克邯鄲

虜趙王遷

趙至是亡邯鄲音寒丹

王如邯鄲故與母家有仇怨者

皆殺之

王母邯鄲美女也事見上卷周赧王五十八年怨於元翻

還從太原上郡歸

還從宣翻

又音如字

太后薨

薨呼肱翻

王翦屯中山以臨燕

春秋

之鮮虞也戰國時為中山國趙滅之以其地為中山郡水經註曰城中有山故曰中山唐之定州即其地也燕

因肩翻

趙公子嘉帥其宗數百人犇代

帥讀曰率

自立為代王

趙之亡大夫稍稍歸之與燕合兵軍上谷

上谷燕地秦置上谷郡唐

易州媯州之地括地志上谷郡故城在媯州懷戎縣東北百一十里媯居為翻

楚幽王薨國

人立其弟郝

郝音釋康曰呵各切

三月郝庶兄負芻殺之自立

魏景湑王薨子假立

湑與閔同

燕太子丹怨王

怨王之不禮也

欲

報之以問其傳鞠武

鞠居六翻姓也姓譜云后稷之孫生而有文在手曰鞠因以為氏余

謂此傳會之說也

鞠武請西約三晉南連齊楚北媾匈奴以圖

秦太子曰太傅之計曠日彌久令人心惛然恐不能須

也令力丁翻康曰惛音昏恐丘用翻余謂然字句絕言鞠武之計迂遠使人悶然恐如字須待也頃之

將軍樊於期得罪亡之燕

姓譜周宣王封太王之子虞仲支孫仲山甫於樊後因氏

焉

太子受而舍之

舍如字館也

鞠武諫曰夫以秦王之暴而

積怒於燕足為寒心又况聞樊將軍之所在乎是謂委

肉當餓虎之蹊也願太子疾遣樊將軍入匈奴太子曰

樊將軍窮困於天下歸身於丹是固丹命卒之時也

命卒

謂命盡也丹言樊將軍以窮來歸
當盡死以保匿舍藏之卒子恆翻
願更慮之鞠武曰夫

行危以求安造禍以求福計淺而怨深連結一人之後

交不顧國家之大害所謂資怨而助禍矣太子不聽太

子聞衛人荊軻之賢

楚國本曰荆此蓋楚未
改國號之前受姓也

卑辭厚禮

而請見之謂軻曰今秦已虜韓王又舉兵南伐楚北臨

趙趙不能支秦則禍必至於燕燕小弱數困於兵

燕因
肩翻

數所
角翻

何足以當秦諸侯服秦莫敢合從丹之私計愚以

為誠得天下之勇士使於秦

從子容翻
使疏吏翻

却秦王使悉反

諸侯侵地若曹沫之與齊桓公則大善矣不可則因而

刺殺之

燕丹於禮致荆軻之初畫兩端之策荆軻守其初說所以事不成要之戰國之士皆祖曹沫之

故智若蘭相如會秦王毛遂結從於楚之類是也沫音末又讀曰劇刺七亦翻又七賜翻

彼大將擅

兵於外而內有亂則君臣相疑以其閒諸侯得合從其

破秦必矣唯荆卿留意焉荆軻許之於是舍荆卿於上

舍太子日造門下所以奉養荆軻無所不至

閒古莧翻造七到翻

及王翦滅趙太子聞之懼欲遣荆軻行荆軻曰今行而無信則秦未可親也誠得樊將軍首與燕督亢之地圖

後漢志涿郡方城縣有督亢亭劉向別錄曰督亢膏腴之地史記正義曰督亢陂在幽州范陽縣東南十里今固安縣南有督亢陌幽州南界唐會要涿州新城縣太和六年置古督亢地也督都毒翻亢音剛康苦浪翻

奉獻秦王秦王必說見臣

說讀曰悅

臣乃有以報太子曰樊

將軍窮困來歸丹丹不忍也荆軻乃私見樊於期曰秦

之遇將軍可謂深矣父母宗族皆為戮沒今聞購將軍

首金千斤邑萬家將奈何於期太息流涕曰計將安出

荆卿曰願得將軍之首以獻秦王秦王必喜而見臣臣左

手把其袖右手搃其胸

搃張鳩翻索隱曰搃謂以劍刺其胸也

則將軍之仇報

而燕見陵之愧除矣

燕因肩翻

樊於期曰此臣之日夜切齒

腐心也

索隱曰切齒相磨切也爾雅曰治骨曰切腐音輔腐亦爛也猶今人事不可忍云腐爛然皆奮

怒之意

遂自刎太子聞之奔往伏哭然已無奈何遂以函

盛其首

刎扶粉翻盛時征翻

太子豫求天下之利匕首使工以藥

淬之

淬忽潰翻索隱曰淬染也謂以毒藥染劍鏑也水與火合為淬

以試人血濡縷人

無不立死者


言以匕首試人人血出纔足以濡縷便立死也康曰血出如絲縷也濡人余翻

縷龍主翻

乃褰為遣荆軻以燕勇士秦舞陽為之副使入秦



資治通鑑卷六



總校官庶吉士臣侍朝

校對官修撰臣張書勲

謄錄監生臣王應璧